

常乃真著

中等民族小史

黃賓虹題



M.G. 9.2
K28
14



中華民族小史目錄

- 第一章 何謂中華民族？
 - 第一節 中華民族之活動範圍……………三
 - 第二節 中華民族之命名……………四
 - 第三節 中華民族之起原……………六
 - 第四節 中華民族之成分……………八
- 第二章 黃河流域之開化
 - 第一節 文化萌芽時代……………一三
 - 第二節 文化極盛時代……………一五
 - 第三節 異民族之侵入及文化中衰時代……………一六
- 第三章 長江下流之同化
 - 第一節 文化獨立發生時代……………二一
 - 第二節 諸夏文化南被時代……………二三

中華民族小史 目錄

新 2029△

第三節	諸夏民族南遷時代	二二五
第四節	文化發展極盛時代	二二六
第四章	長江上流之同化	
第一節	文化獨立發生時代	二二八
第二節	諸夏文化漸次侵入時代	二三〇
第三節	同化完全成熟時代	三二二
第五章	滿洲之同化	
第一節	未開化時代之滿洲	三三四
第二節	烏桓鮮卑強盛時代	三三五
第三節	渤海之建國	三三七
第四節	契丹女真之建國	三三八
第五節	滿洲之建國	三四〇
第六節	滿洲之現狀	三四一
第六章	珠江下流之同化	

第一節	漢以前之形勢……………	四三
第二節	諸夏民族之開發 <u>珠江</u> 下流……………	四四
第三節	文化之大開……………	四五
第四節	近代 <u>珠江</u> 下流之發展……………	四五
第七章	蒙古之加入中國版圖……………	
第一節	未通中國以前之蒙古情狀……………	四七
第二節	匈奴之強盛及滅亡……………	四八
第三節	鮮卑柔然之相繼勃興……………	五〇
第四節	突厥之強盛及滅亡……………	五一
第五節	回紇黠戛斯之相繼興起……………	五三
第六節	蒙古大帝國之建立及其末路……………	五五
第七節	蒙古之現狀……………	五九
第八章	西北之開拓……………	
第一節	漢以前之西北民族與中國之關係……………	六一

第二節	漢代對西北之經營	六二
第三節	六朝時代之西北	六五
第四節	西夏之建國	六七
第五節	元明清三代之西北情形	六八
第六節	近代西北之開拓	七〇
第九章	珠江上流之同化	
第一節	上古之珠江上流及漢代之經營	七二
第二節	唐詔大理之建國	七三
第三節	元以來之珠江上流	七六
第十章	西藏之加入中國版圖	
第一節	唐以前之西藏情形	七八
第二節	吐蕃之建國	七九
第三節	喇嘛教勢力全盛時代之西藏	八二
第四節	現在之西藏問題	八三

第十一章 朝鮮日本與中國歷史上之關係

第一節 朝鮮古文明之發在……………八六

第二節 漢代對朝鮮之經營……………八七

第三節 唐代對朝鮮之經營……………八七

第四節 日本之輸入中國文化……………九〇

第五節 爲中國屬國時代之朝鮮……………九二

第六節 日本之兼并琉球朝鮮及台灣……………九三

第十一章 中華民族在後印度半島及南洋羣島之發展

第一節 歷史上後印度半島與中國之關係……………九五

第二節 中國民族在南洋之發展……………九七

第三節 西方之東侵……………九八

第十二章 歷史上之中國與西亞文明之交換

第一節 上古時代傳聲之中西交通……………一〇二


第二節 漢朝對於亞洲西部之經營……………一〇三

第三節	佛教之輸入	一〇四
第四節	唐代對於西域之經營	一〇五
第五節	元代之西征	一〇七
第六節	近代我國對西亞之關係	一〇八
第十四章 白人之東漸與中華民族之危機		
第一節	明以前我國與歐人之交通	一一〇
第二節	歐人之東漸	一一一
第三節	英吉利與我國	一一三
第四節	俄羅斯與我國	一一五
第五節	法蘭西與我國	一一六
第六節	德意志與我國	一一七
第七節	美利堅與我國	一一八

中華民族小史

第一章 何謂中華民族？

生爲一國之人，未有不自知其國之歷史者。國惟有歷史，而後其國之種性淵源，以及一切文物制度，乃得蟬聯遞接，自先世以至於後世。凡爲國民者，讀國之歷史，則曉然於其國之所以發達，所以養育，所以摧折，所以興起，知之深，治之熟，則愛護國家之念油然而生焉。中國，世界之著名古國也，中華民族，世界之著名偉大民族也。然人亦知其偉大之所自乎？五千年前，此一片海棠葉形之古國，固猶是許多錯雜零亂之野蠻部族紛爭割據之地。其地不相接也，其音問不相通也，其文化與血統各不相關也。五千年來，經許多哲人志士之苦心毅力，慘淡經營，乃得將此許多各不相關之異民族，搏結融會而成爲一大民族，而後中華民族之名出焉。中華民族，非一單純之民族。



也，中華民族，非盡黃帝之子孫也；然至於今日，則人盡自覺爲中華民族之一員，人盡自覺爲黃帝之子孫，此無他，五千年來文化陶鎔之所自也，五千年來哲人志士之功也。吾儕治史者，亦惟治此五千年中文化陶鎔之偉績而已，亦惟治此五千年中哲人志士發揮心力之成事而已。鑒往以知來，援古以證今，中華民族其猶有未竟之功乎？中華之志士哲人其猶有努力工作之必要乎？是則讀史之後，所當毅然發深長省者也。

本書專述中華民族構成及發展之情形，關於制度文物之敘述則讓之他書。在分章敘述之先，對於中華民族之全體觀念，當有一概括的描寫，庶使讀者易明瞭此後各章之內容。讀者所應知者：

- 一 爲中華民族活動之範圍如何？
- 二 爲中華民族命名之由來如何？
- 三 爲中華民族之起原及時代如何？

四爲中華民族所包含之成分如何？
此四義明，而後乃得進而治全史焉。

第一節 中華民族之活動範圍

中華民族之範圍，人盡知爲此海棠葉形之中國，以云面積，則三千五百二十二萬零四十方里之多；以云經緯度，則西起東經七十四度，東抵東經一百三十五度，南起北緯十五度四十六分，北盡北緯五十三度四十八分之廣；以云氣候，則跨寒溫熱三帶之長；以云區劃，則本部十八行省，四特別區域，一京兆，再益以關東三省，西域一省，蒙藏二特別部落焉。凡此，皆今日中華民族活動之範圍也，其總名則曰『中華民國』。此皆常識上之中華民族活動之範圍也。苟攷之於歷史，證之以事實，則常識之說亦未嘗無可議焉。蓋就一方面言之，上古中華民族活動之範圍，本無如今日之廣。大中華民族之最初活動，僅起於黃河流域之中部，即河南及山東西部，山西西南部而已。其後春秋中葉，陝西，湖北以及江蘇之一部始入于中華文化範圍，戰國末年，直

隸，四川，浙江諸省始逐漸同化于中國，秦漢以降，廣東，福建亦版圖，宋元以後，雲南，貴州，廣西，湖南，漸露文化，至于近百年來，則關東三省，內蒙諸區，始逐漸全成爲中華民族活動之舞臺，而蒙藏兩部以及新疆回族，猶未能盡具有中華民族同具之條件，其活動之擴大蓋若是之難也。然如就另一方面言之，則如古代在漢唐極盛之際，我中華民族之活動範圍直擴大至於襄海之西，日本之東，爪哇之南。至今日則不惟朝鮮，安南久受同化，應視爲中華民族準活動之範圍外，近如南洋羣島，遠如美洲，亦皆爲我華僑主要之活動地。是海棠葉形之中國，猶未足以限我中華民族之發展能力焉。治中華民族發展史者，於此活動範圍之廣狹二義蓋不可不知也。

第二節 中華民族之命名

民族之名多因時代遞嬗，因時制宜，無一定之專稱，非若國家之名用於外交上，須有一定之名稱也。中國自昔爲大一統之國，祇有朝代之名，尙無國名，至清室推翻，始有中華民國之名出現。國名既無一定，民族之名更不統一。或曰夏，或曰華夏，或曰

漢人，或曰唐人，然夏漢唐皆朝代之名，非民族之名，惟「中華」二字，既爲今日民國命名所採用，且其涵義廣大，較之其他名義之偏而不全者，最爲適當，故本書採用焉。

今日中國境內民族之大別，號稱爲漢、滿、蒙、回、藏、苗六大族，其實漢族與其他五族性質並不相同。其他五族俱係單純之民族，而漢族則爲複雜之民族。漢族之中包含其他五族之成分甚多，如滿洲族之東胡、鮮卑、契丹、女真；蒙古族之匈奴、回族之突厥、回紇；藏族之羌、苗族之一部分土司，今已均完全變爲漢族，故漢族者許多原始單純種族混合而成之總名，非一族之名也。吾人敘中華民族之歷史，大部分俱根據於漢族歷史者，非有所偏愛於漢族，蓋以漢族非一單純民族之名，實此許多民族之混合體耳。

惟今日普通習慣，以漢族與其他滿蒙諸族土名並列，苟僅以漢族代表其他諸族，易滋誤會。且漢本爲朝代之名，用之民族，亦未妥洽，不若「中華民族」之名爲無弊也。

第三節 中華民族之起原

論及中華民族起原之問題，內有數事最應注意：

其一，中華民族果爲土著乎？抑外來者乎？

其二，中華民族均出於一元乎？抑多元乎？

其三，中華民族真正可攷之歷史應從何時算起？

其四，中華民族最初之根據地爲何？

就第一問題而言，中國古史殆從未有主張中國文明係外來之說，自近世西人有研究中國史者，乃創意謂中國民族係由西方遷來，或以爲中國大陸本爲苗蠻族所佔據，漢族乃由中亞等地侵入，戰敗苗族而始代興者，中國近代學者亦多附和此說；然就吾人研究之結果，主張外來說者其證據多不堅確，而從中國近年來地質學者發掘之結果，則長城以北冰期時已有人跡，即河南中原一帶，亦發現石器時代之遺骨及陶器，可見至少五萬年前，中國已有人跡，雖其後有無外族遷徙不可知，然中

國原始民族至少總有一部分係土著，可不辯而明也。

再就第二問題而言，則中國民族向稱皆源出於黃帝，其實並不盡然，觀春秋時代中國境內民族尙如彼之複雜，則中國最初之爲各民族分立無疑，特其後有文化較高之民族，能以其文化統一其他民族，其他民族受其同化，遂漸至忘其本來面目而謂他人父耳，故中華民族之出於多元非一元亦可斷言也。

至於中華民族已往經過之年代如何？就古書所載，九頭十紀類多神話，不可爲信，若真正解決此問題，須待中國地質學、考古學、人類學之研究大進步以後，得有物證，始能斷定，今則但據書契所載，以黃帝以後爲可考之時代，則距今幾五千年矣。

再就中國民族發源之地帶而論，亦非待地質學、考古學、人類學探索有得之後不能大明，今但據古史相傳之帝王建都地考之，不外山東、河南、山西、陝西一帶。惟古代文明既出於多元，則當然不能但指一地以爲發祥之所，特以最初文化發源地而論，可以說是在黃河流域耳。

第二節 中華民族之成分

以上諸問題既明，然後進而研究中華民族成分之問題：

現今中國境內所包含之五大民族——漢滿蒙回藏——就歷史上經過之痕跡考之，蓋可分爲九系：此卽中華民族真正之成分也。

其九系如下：

一、諸夏系 此系爲漢族之主體，發源於黃河流域，中國古代帝王相傳皆屬此系，雖不可全信，要之此系文明發達最早，故能以其文化征服其他蠻族，逐漸合併而成爲龐大之漢族，且有代表全中華民族之趨勢，吾人講中華民族構成及發展之歷史，實卽講諸夏系同化其他民族之歷史耳。此系之勢力範圍在春秋時尚僅在黃河下流一帶，至戰國而勢力及於吳楚蜀秦漢以後直至近代，滇粵閩遼等處逐漸合併，至今日則本部十八省及東三省，均完全爲此系文化所及矣。

二、東夷系 此系之根據地約在今山東安徽江蘇江西湖北等處，古代有吳人，

楚人、徐人、及淮夷、萊夷等名稱，雖未必全是一種，大致彼此血統甚近。中國古代帝王如舜是東夷之人，大約亦屬此系。此系在春秋時尚甚強悍，至春秋末年乃逐漸同化，變為漢族之一部分，今日此數省且為中國境內文化最著之地矣。

三、巴蜀系 此系起源或與漢族相近，或與西藏族相近，俱未可知。古為巴蜀諸國與中國不通，至戰國時始為秦所滅，秦移民於蜀以同化之。漢時巴蜀與中國交通益密，遂完全與中國同化矣。

四、東胡系 此系為今滿族之前身，根據地在東三省及直隸北部。相傳舜時有肅慎氏，為此族最初見歷史之國。至春秋初為山戎，戰國時燕強後，在直隸者多同化於燕。惟居東三省者曰東胡。至西漢末變為烏桓、鮮卑二種。鮮卑後強盛，侵入中國本部，建燕、魏、齊、周諸國，然均同化於漢族。留在東三省者，唐初為渤海國。唐末為契丹——即遼，北宋末為女真——即金。此二族均為入中國，又均為中國所同化。至明末滿洲族興起，滅明而統一中國，建國垂三百年始變為民國。自最近五十年來，

東三省門戶開放，漢人盡量移入，而滿人則因駐防之故皆分散於本部各省，同化於漢族，此後滿漢混合成爲一族，其界限殆不可分矣。

五、閩粵系 此系根據地在今福建、廣東及浙江之南部一帶，其中種族複雜，大別爲越種、閩種及粵種。春秋末年越始與中國通。其後漢時閩越及甌越兩國猶獨立於東海之濱，而南粵尤強大。此三國均爲漢武帝所滅，始受中國文化。吳孫權建都江南，始竭力同化此系。自東晉後遂完全變爲漢族之一部分，然其語言及骨相猶與普通漢人稍有不同也。

六、北狄系 此系卽今蒙古族之前身。其根據地在蒙古及青海。古代直隸、山西、陝西之北部亦均爲此系勢力所及。黃帝時之獯鬻、周之玁狁，春秋時之赤狄、白狄均爲此系。其初勢甚強大，屢侵凌諸夏小國，經齊桓、晉文屢次撻伐，其在中國本部者始逐漸同化於漢族。其在塞外者，戰國末變爲匈奴，建設一大帝國，其勢力東達滿洲，朝鮮，西及中央亞細亞，南與秦、漢爭雄。經西漢、東漢屢次之經營，始將其族覆滅，一部分

降居中國，一部分遁至歐洲。其居中國者至西晉末起而爲亂，亂後均同化於漢族。其殘留蒙古者，均服屬於他族，無甚勢力。直至南宋時，始有蒙古族興起，建統一亞歐之大帝國，然未及百年又均瓦解。其居中國者至元亡復逃回蒙古，歷明世常爲邊患。清時服屬於清。民國成立爲五族之一。然外蒙至今猶獨立，惟內蒙東蒙一帶已多爲漢人移住，卽有蒙民亦漸同化於漢矣。

七、氏羌系 此系卽今回族之前身，或有謂藏族亦屬此系者，今爲解說便利起見姑以藏族除外言之。此系之根據地在新疆，甘肅，青海等處。上古時爲西戎，其勢力侵入陝西之西北部，後爲秦所敗，始漸退居西部。或有謂周秦二代亦均屬此族者，則不可深考矣。至東漢末爲氏羌諸族，屢爲邊患。西晉時侵入中國本部，建前秦後秦等國，然均同化於漢族。至隋唐時有突厥興，據蒙古與唐爭衡，突厥衰而回紇起，此二族均可屬之。氏羌系。宋時黨項羌據甘肅而建西夏國，後爲蒙古所滅。此後羌族勢力遂衰。然至清時尙屢次作亂，清末新疆改爲行省，雲南及安徽湖南人多移居於此。土人

與漢人逐漸接近，今雖仍未全同化，然其勢力已微無能爲力矣。此族自唐以後，多信回教，故又稱回族云。

八、西藏系 此系與羌及巴蜀兩系種族當甚接近。以西藏爲根據地。古不通中國。六朝末年始有吐蕃國出現，雜取中國及印度兩大文明而混合之。至唐初其勢甚強。南宋時始爲蒙古所滅。明爲烏斯藏政教統於喇嘛之手，清代亦然。至民國列爲五族之一，然西藏至今獨立焉。

九、苗蠻系 此系起源甚早，當黃帝時已甚文明。或謂中國大陸本爲此系所據，則未可遽信也。至春秋時已退據湖南、廣西、雲南、貴州一帶。歷漢及三國雖屢經討伐，猶未同化。至唐有南詔國興起，采取唐朝文明，建設制度，頗有可觀。宋時變爲大理及後理，後爲蒙古所滅。元明清三代雖列爲行省，然土族勢力猶強未盡歸化。至最近百年來，漢人遷入者極多，始純變爲中國本部之一。其苗人則退處於萬山之中，日漸漸滅矣。此族在中國境外所建之國尚有安南、暹羅、緬甸、三國。

以上九系之發展情形，於後章分別詳述之。

第二章 黃河流域之開化

黃河流域爲諸夏發祥之地，今日中華民國之文明蓋皆以此爲主體。其發展進化時期約可分爲三段：

一曰文化萌芽時代（自上古至西周末）

二曰文化極盛時代（自春秋至東漢末）

三曰文化中衰時代（自三國至清末）

第一節 文化萌芽時代

就吾國古史所載，三皇五帝多興於黃河流域，而尤以黃河下流山東河南二省爲最多，雖此種傳說未必皆可認爲信史，然民族間既有此傳說，則可見黃河流域一帶自始卽爲先民所注意。况近年來古器物之發現，亦多出於此流域者居多。再以理

推之，則黃河流域之土地廣大，氣候溫和皆甚適於初民之發展，故中華民族文化之起源於黃河流域，殆無可置疑。自黃帝以至西周末，經二千餘年之陶冶，居於黃河流域之民族已漸進於文明之境。環顧其他等周圍環住之民族，皆尙渾渾噩噩，猶在野蠻時代，遂覺吾族之獨出於神明胤胄，羞與他族爲伍。因自名曰夏，夏者大之義，蓋自命爲大國國民之意。或云夏之古文爲「𡗗」，乃象人之形，蓋自居爲真正人類，而目其他民族爲禽獸也。故諸夏族當時呼其他民族之在北方者曰狄，東方者曰貉，南方者曰蠻，曰閩，西方者曰戎，曰羌，皆非嘉善之名。諸夏族之所恃以超越其他民族者，一曰有制度，法制自黃帝時已略具規模，至堯舜而燦然大備，當時其他民族固猶在草昧之時也；二曰文字，黃帝史官蒼頡始制文字，自後歷代相沿，孳乳益廣，其他各族則不聞有此，如苗族等雖發較早，或者亦有此制，然其用不廣，不能如諸夏文字之複雜也；三曰倫理，諸夏民族最重倫理，自唐虞之治已有九族既睦之贊，而養老，孝父母，重親族，忠職務，諸美德亦皆醞釀成熟於此時，至周公制禮以後則倫理觀念已深入人心。

而洪範九疇且以人事卜天道，可見其應用之廣矣。四曰器用，諸夏器物發明亦甚早，其中如衣服之制實爲諸夏族與其他民族區別最重要之點，故諸夏族自稱曰冠帶之倫，凡以示別於其他文身被髮之諸野蠻族也。

諸夏族初起之時殆亦並非同屬一族，故名爲諸夏，諸者衆也，顯見其非同出一源矣。故如虞夏商周各朝，大抵均各成一族。孟子謂舜東夷之人，文王西夷之人，可見其未必原屬諸夏。特以各族同處一大平原中，彼此稟習日久，其文化低者遂漸爲高者所同化，而合成一族耳。三代世系皆云爲黃帝之後，而世代之差別過甚，明見其爲假託矣。要之諸夏族之所以能團結成爲一族者，內則由於文化之增高，外則由於與他族接觸既多，遂覺吾同處黃河流域之諸族當固結爲一體耳。

第二節 文化極盛時代

自春秋戰國以至東漢之末爲黃河流域文化極盛時代，蓋經唐虞三代數千年之孕育，至此文化種子業已成熟，遂忽焉開燦爛之奇花，加以春秋戰國時代列國並

立，因競爭觀摩之結果，而人才輩出，黃河流域遂爲文化之中心。論地勢則春秋之鄭，戰國之韓、魏，楚、漢之滎陽、成皋，西漢末之南陽、河內，東漢末之兗、豫二州，皆爲全國競爭之中心。論都會則咸陽、邯鄲、大梁、臨淄、長安、洛陽，皆爲當時最繁榮之大都會。論人才則自春秋至漢，全國人才百分之八十殆皆出黃河流域，其中如哲學家之孔丘、墨翟，孟軻、荀况，老聃爲陳之苦縣人，實亦可算黃河流域，政治家之管仲、商鞅、韓非、李斯等，尤爲不世出之人才，而當時其他流域不能相比者也。論經濟狀況則據史記貨殖列傳所載，齊、趙諸地在戰國時爲經濟之中心，至漢初移於長安，東漢又漸移於洛陽，要之均在黃河流域也。蓋黃河流域文化之程度至此而極高，亦即諸夏民族之文化至此而達於頂點。至東漢末年，中原喪亂，經魏至晉經濟力尙未能恢復，而五胡之亂乘之而起，西北、東三方面之異民族紛紛遷入內地，諸夏世家反因變遷徙家江南，於是黃河流域經此一度民族大移轉之後，而情形爲之一變。

第三節 異民族之侵入及文化中衰時代

自東漢之末，黃巾賊起，山東河南一帶，大遭蹂躪，中原文化之區，遂經破滅。董卓之禍，而洛陽長安亦均遭兵燹；其後曹操、呂布、袁紹、公孫瓚、李傕、郭汜、張揚、張繡等紛紛並起，佔據中原，互相征伐，殺戮迄無甯日。魏晉兩朝，稍得安息，而民族之移轉已起。自後黃河流域迭經外族之佔據，其民族血統及文化上皆起重之大變化，遂無復舊日之觀矣。計黃河流域外來民族大規模移徙之時期有三：一爲六朝時代五胡之亂華；二爲宋時遼金元之侵入；三爲明末滿洲族之侵入。以下分別述之。

一五胡之亂華禍起于西晉末年，而迄于隋之統一。其結果則侵入之胡人皆同化于漢人而變爲黃河流域之土著。其本居黃河流域之諸夏民族反因避亂而南遷。其時侵入之異民族號稱五種，實際則不過三種，鮮卑屬東胡種者也；匈奴羯蒙古種者也；氐人羌人均西北之戎種即氐羌族也。侵入之後，多數皆已同化于漢人，最著者如劉淵之自稱漢後，北魏孝文帝之遷都易姓，皆同化於漢人之證。故至隋唐之際，鮮卑匈奴諸族在中國殆已毫無蹤跡之可尋，而實則遍黃河流域之人皆不能謂與此

諸族毫無血統上之關係也。

二遼金元之侵入起於唐中葉以後，迄于元亡。其結果則大部分易同化之東胡民族殆已完全同化於漢族，只剩小部分不易同化之蒙古族仍被排斥而退居於蒙古之故地。其侵入之民族契丹、遼、女真、金皆屬東胡種，而蒙古元則屬蒙古種。今日黃河流域遼金遺族之變爲漢人者當亦不少也。

三滿洲之侵入起於明末而至民國成立清室退位爲止。其結果則亦全體同化。滿洲人種本與女真同種，性格骨相上均與漢族相近，故其同化極易。自清朝入關後，施用駐防政策，以滿人分散於內地各省，用以監督漢人之反側，然漢人多而滿人少，漢人文化高而滿人文化低，結果滿人反爲漢人所同化，一切語言、文字、習慣、嗜好，皆逐漸與漢人一律。自革命後，五族一體，滿人多有棄其舊姓而改用漢姓者，自今以後再閱數十年，則滿漢之界限可泯然無餘矣。

此等諸民族之迭次侵入，黃河流域所受之影響爲何如耶？則不外全體社會生

活皆起重大之變化而已。就宗教而論，制諸夏民族本來只有倫理之崇拜而別無宗教可言。自五胡亂華以後，而佛教大興，自回紇移居以後，而回教又盛，其他景教、摩尼教、祆教、猶太教等之輸入，亦均由外國人之介紹，而東漢末中國人自創之道教，尤爲摹仿佛教而起，尤顯而易見也。就風俗而論，則如吾人今日之衣冠，皆滿清之舊制，非復漢人博衣寬帶之風，其他如坐之胡床椅，睡之火坑，皆北方民族之用物，又如尊人則曰大人，老爺，讓客則必以左爲上，此亦皆學自外人者也。再就美術而論，則六朝之佛畫，皆自西域傳入，實間接爲希臘之作風，音樂則胡琴、羌笛，亦皆來自西方，而建築之塔、廟、亭、幢，更無論矣。又如語言方面，今日直隸、河南諸省一部分之語言，係受東胡族之同化，殊如北京官話，其受滿洲語之影響，顯然可見。今則此種語言，已公認爲全國模範之國語矣。至於政制方面，所受影響雖較少，然亦有可紀者，如今日行省之制，卽元所創也。要之黃河流域異族之雜居，已千有餘年於茲，不惟彼受我之同化，卽我亦受彼之同化，互相熏習，始得成爲今日之狀況也。

此種民族之移居就文化之見地言之爲有害耶？有利耶？若單就現狀而論，黃河流域文化低降之原因，實由於地利不興，物產減少，與種族之混合似無關係。倘此後於改良地利便利交通之法特別注意，則黃河流域未始不可再復見春秋戰國秦漢時代文化極盛之偉觀也。

第三章 長江下流之同化

長江下流自古爲吳楚諸蠻族之根據地，在本書第一章之東夷系即包括居住於此一帶之民族而言，在戰國以前尙與諸夏民族儼然對立，競爭極烈，然至今日則不但人種風俗純與諸夏混合，且一變而爲中國文化之中心區域，則其間變遷化合之跡當有可觀者矣。茲按其同化次第，分爲四時期：

- 一曰文化獨立發生時代（自上古至西周初）
- 二曰諸夏文化南被時代（自周至東漢末）

三 諸夏民族南遷時代（自三國至唐）

四 文化發展極盛時代（自五代至現代）

第一節 文化獨立發生時代

東夷民族就古史所載情形觀之，當分爲三組。居於山東半島及安徽江蘇北部者爲一組，種類極多有萊夷、淮夷、徐戎等名稱，可以徐代表之。居於湖北及江西一帶者爲一組，有荆、楚、庸、舒、諸種，可以楚代表之。居於江蘇南部者爲一組，可以吳代表之。此三組古代是否彼此交通，文化一致，今已難攷，惟吾人爲研究便利起見，姑作爲同屬一族觀之，無取細分，以省紛擾。此族人民古代決非與諸夏族同種，由彼此對待之態度觀之，可以證明。諸夏呼彼曰夷，顯示其非我族類。而彼族亦自居於諸夏以外，故至春秋初年，楚之君主尙有「我蠻夷也」之語，可見自此以前東夷族未有以諸夏自居者也。此族古代因與諸夏族同處平原，接觸極易，故衝突亦較多。詩商頌殷武篇有「奮伐荆楚，罔入其阻」之語，可見商時此族已甚強大。至周初則太公封齊，萊夷與之

爭國，武庚叛周，諸夷爲之附和而魯公伯禽之討淮夷徐戎，見於書費誓，尤爲當時一大事，昭王南征至於溺死，可見其在上古必常爲諸夏之害矣。惟東夷因與諸夏壤地相接，故同化亦較易。孟子稱舜耕於歷山爲東夷之人，可見舜時山東全部尙均爲東夷所盤據。商朝起於東方，及其亡也，東夷尙助武庚爲叛，可見商朝與東夷血統必亦甚近。然則自上古以來所謂諸夏民族者，其中混入東夷之血當已不少矣。惟至春秋初年，山東一帶經濟魯諸國之經營，已變爲諸夏根據地，故東夷只得退據長江下流而苟延殘喘耳。然其最強之族如徐，如楚，如吳，尙屢爲諸夏之患，是亦未可輕視也。

東夷族古代文化之特點有幾，現已不可深考。但知其宗教則偏重鬼神，巫卜之風甚盛，商人亦有此風，故疑其與東夷族必有關係，社會組織則純爲個人主義，與諸夏之重家族者不同。——楚，吳之公族均不强，可以爲證。——言語則別爲一系，殆近於複音，非若夫諸夏之單音系，服飾則斷髮文身，尤與諸夏冠帶之族不同，此皆東夷族獨立發展之文化也。

第二節 諸夏文化南被時代

長江下流之接收諸夏文化，就史書所載似當始於周 泰伯之適荆蠻，又楚自稱其先祖爲文王 師鬻熊，如果屬實，則鬻熊亦開化江表之一人也。又詩召南諸篇稱贊江漢之化，女子 野人均有文采，可知殷時長江流域之一部分已經同化。或者殷人本屬東夷，故當殷時東方之交通必較繁，文化亦必較高，至周而反退化耳。傳說謂商時有大彭，豕韋兩霸國，大彭 徐地，豕韋 楚地，皆東夷之國，亦可爲證。惟其時長江流域之大部分尙均在比較野蠻之東夷族手中，故未可謂爲諸夏文化之真正南被時代。至泰伯 適吳，史未敘其如何開化江南，吳至春秋末年尙甚野蠻，可知泰伯之影響甚小。鬻熊則有無此人尙未可定，故亦難以爲諸夏文化南被之據也。

諸夏文化之南被其真正可考時代當在周 穆王時——約紀元前九六〇年——其時徐國之君行正義，諸侯朝服者三十六國，乃稱王，號曰偃王，欲代周有天下，穆王使楚伐之，徐 偃王曰行仁義所以衛民也，不忍使民因吾而死，乃走死於野，此時徐

已效中國稱王，且有仁義之行，爲諸侯所服，可見其受諸夏文化已甚深矣。大約徐在商末文化已甚高，商有大彭國，爲五霸之一，徐或卽大彭氏之後，其文化淵源頗早，至徐亡而始退化，此亦理之所應有也。

楚自春秋初年——約紀元前七〇〇年——稱王後，吞併漢水一帶諸姬姓小國，加入諸夏分子，遂逐漸吸收北方之文化。其後與齊晉諸國競爭中原，接觸既繁，同化益著。至戰國時——紀元前四〇三至二二一年——楚之文化已粲然大著，諸夏已無復以夷狄視之者，湖北一帶之開化當在此時也。

吳之通中國自壽夢時代始——紀元前五八五——然未及一代，其公子季札歷聘列國，已以博瞻見長，可見其吸收諸夏文化之速矣。

漢高祖與項羽均起於江淮流域，楚之江東子弟，漢之豐沛故人，其中當不少東夷族人。及漢室定都長安，功臣子弟大率隨之西往，而民族益以混合。漢初吳楚淮南諸王國最爲富強，文學亦盛，於是長江下流遂全然爲諸夏所同化矣。

第三節 諸夏民族南遷時代

上節所述雖爲諸夏文化漸被江南之事跡，然其在人種方面，猶未聞彼此混合也。至東漢末年中原喪亂，兩京播蕩，其時獨劉表坐鎮荊州，孫策平定江南，北方名士多往依之，是爲諸夏南遷之始。三國時孫氏建國江南，文物制度俱模倣自北方，北人適南者亦復不少。至東晉初年——紀元後三百年左右——五胡亂華，中原盡爲異民族所據，漢族之稍有產業者不得相率南徙。於是黃河流域之世家大族，以及中流階級，向爲文化之中堅者，盡徙於長江下流，自此以後，長江下流文化遂有駕黃河流域而上之勢矣。

南北朝時代以武事言，南人恆絀於北人，以文學言南人則頗優於北人，故南人亦恆以此自誇。當時北方大族之南遷者，因懼與土人相混，乃自號爲世族，而以出身低賤者爲寒門，世族之與寒門，分別極嚴，彼此不得通婚姻，甚至不與同席而坐。由寒門出者，雖貴至卿相，富埒王侯，而世族之自好者決不與聯交友誼，如有破此例者，不

但社會譏彈，卽同僚亦以據此以爲其罪而請朝廷懲治者，此蓋北人初來南方，懼與士人相混而設之限制也。

此種風氣至唐而始漸衰，蓋唐代以科舉取士，打破階級之功甚大也。唐中葉以後，北方經安史藩鎮諸亂，愈加凋敝，常轉運江淮之粟以濟北方，其時長江下流經濟狀況已漸駕北方而上之，如揚州等處，爲才人大賈薈萃之區，其盛況至今猶可想見焉。蓋經六朝至唐——三一七至九〇五——六百餘年間之粉飾昇平，較北方之屢遭兵燹者不可同日而語，故能漸取黃河流域之地位而代之也。

第四節 文化發展極盛時代

長江下流由文化附庸漸變而爲全國文化之中心，雖在五代以後，然其機實成於隋唐之交。當六朝之末，南方之富麗奢侈已駕于北方之上。隋煬帝因愛江都

揚州——風物，駕幸江南，特鑿運河以利交通，自此以後江南與北方之交通大繁，商業因之而盛，有唐一代江南大賈甚多。可見其經濟力之充裕矣。惟唐初建都北方，文

物所萃，故但就文化及人才而言，南方猶稍遜於北方。逮五代之時，北方兵禍頻仍，民不聊生，南方則吳楊氏、南唐李氏、荆南高氏，尙均能以保境安民爲主。而尤以李氏諸主類多長於文學，故一時文化頗盛。宋代北方屢經異族之侵略，獨南方得免此禍。故北宋中年邵雍已有地氣南移之歎。至南宋播遷，中原又淪於異族，世家大族又復南下，經此第二度之民族大移轉後，長江下流乃卓然成全國文化之中心。南宋建都杭州，當時文人學士萃集於此，風氣所被，長江下流遂釀成重文之趨向。歷元至明，北方愈加殘破，南方愈加文明，明末三吳學風至爲全國表率，一部明史人才有十分之七八出於長江流域；降及清代，江南尤爲人文重鎮，聖祖、高宗之數次南巡，皆爲慕江南文化而來，而其時，揚州、鹽商之豪富奢汰，尤爲人所僅見；經濟既充，文化自富，吾人觀於明代江南賦稅之佔天下之半額，而有以知其文化之著爲有因也。

至今日雖人才及文化已有漸趨於珠江流域之勢，然上海、南京、蕪湖、九江、漢口、武昌，猶爲國中有數之大口岸，此以見長江下流文化中心之地位猶未到遞嬗時候。

也。

第四章 長江上流之同化

本章所指之長江上流，僅就四川一省而言，並非連青海在內，蓋四川一省，上古爲巴蜀民族蟠據之地，其文化實自成一系，不能與他族相混也。今依其同化次第可分爲三段。

- 一曰文化獨立發生時代（自上古以至戰國）
- 二曰諸夏文化漸次侵入時代（自戰國至三國）
- 三曰同化完全成熟時代（自三國以後）

第一節 文化獨立發生時代

巴蜀民族雖號爲一族，然其中系統亦甚複雜，見於上古各書者有蜀人、巴人、庸人、濮人等稱，以巴蜀二族爲最著，故以之名其全種焉。巴人根據地在四川東部，卽今

東川道地，蜀人根據地在四川西部，卽今西川嘉陵二道地，二族之中以蜀之文化發達較早，蓋可謂爲此族之中心也。蜀人自稱爲黃帝子昌意之後，似不可信。考中國古史亦多有載有與蜀有關之事，如謂人皇氏分天下爲九圍，其中圍制華陽之壤，梁岷之域，似人皇卽都於四川，其後禹生於石紐，娶於塗山，兩地皆在川境，武王伐紂，巴蜀民族附從者甚多，似此皆可證爲巴蜀民族在上古卽與諸夏民族發生關係。故近來主漢族西來說者每謂巴蜀與中原同出一系，不過一沿黃河東下，而一沿長江南下耳。又甚者謂中華民族卽發生於四川，故有華人或漢人之名，華者華陽，漢者漢水。然夷考其實，則此等說法未免多係附會，毫無實證，吾人觀巴蜀在春秋時代尙屬蠻夷，可知其以前未被中國文化，况以四川之崇山峻嶺而謂其能與中國交通於數千年之前似亦難能之事實也。

蜀之神話謂當周失綱紀之時，蜀侯蠶叢始稱王，其後世相傳有柏灌，魚鳧等。魚鳧仙去，蜀人思之爲立祠，最後有王杜宇始稱帝。後讓國於其臣開明，隱於西山。開明

傳九世至開明帝——與其始祖同名——始立宗廟，有飲晏之制，後乃爲秦惠王以計滅之。觀蜀之人名及其神話皆與諸夏異，系更可證其與中國未嘗交通。惟當時已知讓國之事，又有城郭園苑——杜宇時已有——宗廟，酒釀，音樂之制，又蜀君先稱王，後稱帝，其下有侯爵——蜀王開明封其弟爲苴侯——是爵位之制亦備，可知其文化已甚發達矣。蓋蜀之開國甚久，有數千年之歷史，加以氣候適宜，物產豐饒，自易發生獨立之文化，雖其中或亦難免受諸夏文化之影響，然較之其他野蠻民族，全然無文化可言，惟待諸夏爲之啓發者，蓋不可同日而語也。

第二節 諸夏文化漸次侵入時代

巴蜀之通中國蓋自戰國起。戰國中葉，秦惠文王欲並天下，謀於其臣張儀以爲宜伐韓，司馬錯以爲宜伐蜀，秦王用司馬錯之計，先謀伐蜀，適巴苴二國受蜀害，求救於秦，秦乃發兵滅蜀，復旋師滅巴苴，全川皆歸於秦——公歷紀元前三一六年——秦慮戎狄之反覆，乃移秦民萬家於蜀以實之，此爲政府有意的移民政策，故其影響

當甚大。其後秦人李冰爲蜀守，疏通江水以利舟楫，教民溉灌，開稻田，穿鹽井，砍發山上竹木，順水流下，由是民用富饒，號爲天府。秦之併吞天下，資蜀之力當不少。以當時中原之喪亂，民生之凋敝，而忽有此肥沃之新地發現，則其相率殖民避難於此者當不在少數。故秦漢之交，巴寡婦清氏、卓氏、程氏，俱以富聞於蜀，而卓氏、程氏皆係由中原遷來者，其餘無名之殖民者必甚夥，可以推知矣。秦滅六國，遷其大族於關中及蜀，此爲第二次之大規模移民運動。漢高祖初封於漢中，所率將士皆東方人，當必有留居漢中變爲土著者。其出定三秦，蜀人從軍者亦甚多，故漢以後蜀遂幾全同化於諸夏者，由其民族之接觸機會甚多故也。至漢文帝末，文翁爲蜀守，興水利，教農桑，立學校，遣生徒留學長安，蜀之文化至此大開。故蜀之同化半由自然，半賴人力。前有李冰，後有文翁，皆有功於同化事業者。有漢一代蜀之名人輩出，若張騫、司馬相如、王褒、楊雄、嚴君平，之流皆當時第一流人物。蜀之同化於此著矣。然其西南部建昌、永寧二道，猶爲未開化之巴蜀族所占據，建國數十，號爲西夷，經唐蒙、司馬相如等先後開闢，至

三國諸葛亮平南蠻，始漸同化，然至今川邊猶爲半開化之地焉。

第三節 同化完全成熟時代

經兩漢四百餘年之文化政策之薰陶，至東漢末年四川已變爲極安樂之地帶，其物產富饒，足以自給，其人俊爽富於理想，其民族全部已與諸夏混合，殘留之痕跡甚少。而因其所佔之地位之特別之故，遂儼有爲西南政治中心之氣象，蜀漢劉備據之以與魏吳成鼎足之業，其最著者也。自時厥後，四川恆有爲獨立國之傾向，每遇中國喪亂，輒能據地自守，而其歸降中央亦輒在最後，此蓋由其地勢之特殊也。如西漢末之公孫述，東漢末之劉璋，三國之蜀漢西晉末之成漢——李氏——東晉末之譙縱，唐末之前蜀——王建——五代之後蜀——孟知祥——元末之夏——明玉珍——明末之張獻忠，皆據全蜀以建國家，然亦未有以蜀爲根據地而能經營天下者。此又其地勢之宜於守而不便於攻也。然幸而種族同化已早成熟於秦漢之際，故其後雖據土獨立者極多，而有種族意味雜於其間者，舍一成漢李氏外無聞，故屢雖經

獨立而不失爲中國版圖者幸有此也；由此觀之，種族同化之關係亦大矣哉。

第五章 滿洲之同化

滿洲一域爲東胡民族根據地，自古爲特別區域，其歸入中國版圖至晚，遼金元時雖已爲中國之一部分，然民族不同，終難同化，故明興而又列於外藩。清室入關後，滿洲猶爲禁地，不設行省，近五十年來，受外力之壓迫，漸次開化，改建行省，內地山東直隸諸省之民族居者甚多，而滿洲遂成爲漢族之殖民地矣。茲敘其開化之歷史約時代如次：

- 一曰未開化時代（自上古至西漢）
- 二曰烏桓鮮卑強盛時代（自東漢至隋）
- 三曰渤海建國時代（唐代）
- 四曰契丹女真建國時代（自唐末至宋末）

五曰清族建國時代（自明末至清亡）

六曰門戶開放及漢族之移植時代（清末至現今）

第一節 未開化時代之滿洲

滿洲自古爲東胡民族根據地，其國之最古見于漢族史乘者有肅慎氏，史稱虞舜二十五年——紀元前二二二一年——肅慎氏來賓，貢楛矢石弩是也。舜時置十二州，其營州卽轄今奉天南濱海之地，大抵古代東胡民族僅盤據於北滿及東蒙一帶，其南滿之遼河流域向爲朝鮮民族及漢民族接觸之區域，與東胡民族無涉也。及春秋時代東胡民族漸次向南伸張勢力，有山戎者侵燕，爲齊桓公所敗——紀元前六七零年左右——其勢少息。戰國時遂爲東胡一族，與蒙古族之匈奴東西對抗，俱侵略中國，燕常受其害。及匈奴冒頓單于立，始以計殺東胡王而併其國，自此東胡民族遂分爲數部，有挹婁，扶餘，沃沮，濊貉等名稱，大抵皆野蠻部落，不成國家，故亦不爲中國患。

第二節 烏桓鮮卑強盛時代

至東漢初東胡族有烏桓鮮卑二族出現，由滿洲侵入中國，其勢張甚。初東胡爲匈奴滅後，其民走保烏桓鮮卑二山——外蒙古境——遂以爲號。其民善騎射，無定居，以牧畜射獵爲業。貴少而賤老，重母而輕父。邑落有小帥，數千百落爲一部，推勇健者爲「大人」統其衆。大人以下各自畜牧營產，不相徭役。其嫁娶則先略女通情，或半歲百日，然後送牛馬羊畜以爲聘幣。婿隨妻還家，拜妻之父母，而不拜己父母。爲妻家僕役一二年，妻家乃厚遣送女歸夫家。其俗妻後母寡嫂，死則歸其故夫。計謀用婦人，惟戰鬥由男子決之。以髡頭爲輕便，至嫁時婦人則養髮分爲髻。其土地宜種稼，俗貴兵死，斂屍以棺，有哭泣之哀，至葬則歌舞相送，肥養一犬，以彩繩繫之，並取死者所乘馬衣物皆燒而送之，言使犬護死者神靈歸赤山也。信鬼神，廟祀天地日星辰及先大人有勇名者，祭品用牛羊，祭畢皆燒之。其治違大人言者罪至死，若相賊殺者，令部落自相報讎，不止，則詣大人前告之，聽出馬牛羊以贖死。其死殺父兄則無罪，若逃亡爲

大人所捕者，則徙逐于荒野。此烏桓鮮卑風之大概也。

烏桓根據地在今遼河上流，西喇木倫河及老哈木倫河流域——均在熱河特別區域。——初服從匈奴。漢武帝擊匈奴，因徙烏桓於直隸奉天交界一帶，置護烏桓校尉監領之，是爲烏桓南遷之始。其後休養生息，部衆漸強，紀元前七十八年——漢昭帝元鳳三年——遂反，漢遣將軍范明友擊破之。新莽時，中國騷亂，烏桓亦乘勢寇邊，又乘匈奴內亂擊敗之。及東漢初，其大人郝且等率衆降漢。其後時叛時服，常爲中國邊患。東漢末年其部落酋長難樓、丘力居等，俱稱王，據遼河東西，侵略中國。東漢獻帝時丘力居死，其姪蹋頓有武略，代領其衆助袁紹擊公孫瓚。及袁紹敗，其子袁尙奔烏桓，曹操自將征之，大破蹋頓於柳城，斬之，虜二十萬人，其餘衆萬餘落悉徙歸中國，自此以後，烏桓遂亡。鮮卑本與烏桓同種，初亦服於匈奴。東漢初北匈奴爲漢擊敗西逃後，蒙古之地一空，鮮卑遂入居之，匈奴餘衆十餘萬落皆改號鮮卑，鮮卑勢遂強。及西晉末年，中國大亂，於是鮮卑之慕容氏據遼東，段氏據遼西，宇文氏據東蒙，拓跋氏

據代郡慕容氏國最強，併吞段氏，宇文氏滅後趙，佔黃河下流，建國曰燕，自此有前燕、後燕、西燕、北燕、南燕諸名稱，皆其一姓。又其同族之吐谷渾分部西下，略取洮西及青海東部，建吐谷渾國，至唐初始爲吐蕃所滅，此外五胡十六國時代之西秦乞伏氏、南涼禿髮氏，亦均屬鮮卑種人。最後拓跋氏所建之北魏勢強，吞併諸國，建一大帝國於黃河流域，與長江流域漢民族所建之宋齊梁陳諸國對立，而武力常駕其上。此爲鮮卑族之極盛時代，然其活動之範圍多在中國本部，與其故土之滿洲無大關繫，至隋統一天下，此族遂完全同化於中國民族矣。

第三節 渤海之建國——紀元七一二至九二七年

渤海者史稱靺鞨，乃扶餘遺族。後魏時稱勿吉，分爲二部，一黑水勿吉在今黑龍江附近，一粟米勿吉在今松花江附近。其國原分數十部，各有酋帥，或附於高麗，或臣於突厥。俗皆編髮，綴野豬牙，插雉尾爲冠飾。性凶悍，無憂戚，貴壯而賤老。無屋宇，依山水，掘地爲穴，架木其上，以土覆之，狀如中國之墓。相聚而居，冬則入處穴中，夏則出逐

水草。父子相承。其俗宜豬。富人畜豬有至數百口者。人死則穿地理之，無棺斂。其風俗蓋猶是野蠻人種之常態也。隋末其酋長突地稽降中國，至唐初累立戰功，賜姓李。其子李謹行以功封燕國公。其餘酋長亦俱拜都督刺史。獨粟末部長大祚榮不服。六九六年——唐武后萬歲通天元年——契丹反於營州，祚榮亦乘機渡遼河而東，據地自固。契丹敗後，武后遣兵討大祚榮，會突厥梗路不能進，祚榮遂自立爲震國王，與突厥通好。唐睿宗先天二年，——七二二年——唐遣使封祚榮爲渤海郡王，是爲渤海高王。此其建國之始。都於忽汗州，——卽今甯古塔附近。——其轄境東至日本海，南界新羅，北至黑水靺鞨，地方數千里。戶十餘萬，勝兵數萬人。有五京，十五府，六十二州。其後數傳皆賢主。累遣使留學唐朝，文化大開。其官有左右相，平章事，侍中內史等名，皆倣唐制。先後凡傳十四世，二百一十四年，至九二七年，哀王諱諤時始爲契丹所滅。古來以純粹滿洲人種建國於滿洲本土而能大開文化者，唯渤海國。

第四節 契丹女真之建國

契丹亦東胡遺族，根據地在西喇木倫河流域。其君長原姓大賀氏，勝兵數萬人，分爲八部，獵則別部，戰則同行。唐初始漸強，其別部有名奚者，於唐初亦強，彼此風俗略相近。其俗死者不得作墳墓，以馬駕車，送入大山，置之樹上，亦無喪服，子孫死，父母朝夕哭之，父母死，子孫不哭。其餘風俗俱與突厥同。本皆臣於突厥。唐太宗時奚酋可度，契丹酋窟哥俱降唐，詔以契丹部爲松漠都督府，窟哥爲都督，奚部爲饒樂都督府，可度爲都督，并賜姓李。六九六年窟哥之孫松漠都督李盡忠與其別部酋長刺史孫萬榮反，自稱無上可汗，唐遣兵討之不能克。盡忠死，萬榮代領其衆，爲突厥默啜可汗所襲，敗死，其衆始平，此爲第一次契丹之強盛。此後契丹遂據內蒙古東部附於回紇，屢侵唐邊。至唐末其王耶律阿保機統一諸部，用漢人韓延徽爲謀主，建城郭，置官號，制嫁娶，倡耕種，仿漢字作契丹文字數千。北滅渤海，南與五代諸國競爭。宋初改國號爲遼，遂據有直隸山西北部，與宋爲敵，傳國二百一十年，凡九主，至紀元一二二五年

宋徽宗宣和七年——始爲其屬部女真所滅。

女真亦純粹東胡民族，原根據地在松花江流域。原屬於契丹，契丹入中國後習於文弱，其種族漸衰於是女真遂強，其族分二部。在北者不屬於遼爲生女真，南者屬於遼爲熟女真。北宋中葉其酋長完顏烏古聶始統一諸部。至北宋末其酋長阿古達始叛遼，一一一五年——宋徽宗政和五年——遂稱帝，國號金，更名旻，是爲金太祖。制女真文字，凡事模倣中國，其後與宋聯合滅遼，又攻滅北宋，虜徽欽二宗。黃河流域及蒙古皆爲所屬，是爲女真極盛時代。然沾染漢化漸深，其民族漸弱。凡傳十帝，一百二十年，至一二三四年——宋理宗端平元年——始爲蒙古所滅。

第五節 滿洲之建國

金亡後滿洲之地屬於元朝，其民族則仍女真之遺種也。元亡後又屬於明。明於其地設海西、建州、野人三衛以羈縻之，然實權不及，女真舊部皆各載君長，割據一隅，不相連屬。明末其部落大別有四，卽滿洲部、長白山部、東海部、扈倫部；四大部之中又各分若干小部。一五八三年——明神宗萬曆十一年——滿洲部酋長愛新覺羅努

爾哈赤起兵攻同部，漸次統一諸部。一六一六年——萬歷四十四年——遂稱帝，屢敗明兵，其勢益張，卽清太祖也。至其子皇太極立，東服朝鮮，西破蒙古，南侵明朝，建國號爲金，又改爲清，是爲清太宗。至其子福臨立，遂乘明流寇之亂，入據中國。傳國十二帝至一九一一年革命起，其國始亡。

第六節 滿洲之現狀

清入中國後，慮故土被漢人侵入，乃以滿洲爲禁地，禁漢人移殖其間。直至清末，俄羅斯人東侵，一八五八年——咸豐八年——一八六〇年——咸豐十年——兩次強迫清廷訂約，將黑龍江以北，烏蘇里江以東之地盡割讓于俄。俄又伸張其勢力於滿洲內部，一八九六年——光緒二十二年——租旅順大連二港，又獲得航行，採木，開礦，築路諸權。日本亦自一八九四年——光緒二十年——戰敗我國後，北上經營滿洲。一九〇四年日俄因爭滿洲而開戰，結果日勝，遂平分滿洲爲二，自吉林長春以南爲日人勢力範圍，以北爲俄人勢力範圍。北之中東鐵路，南之南滿鐵路縱貫境

內。又有京奉鐵路自北京直達奉天。於是滿洲之門戶遂大開放。近五十年來內地漢人相率遷入滿洲，而滿人則因駐防政策之故反多居於內地，於是東胡族數千年來之根據地遂一變而爲諸夏族之殖民地矣。然外患日迫，強藩割據，前途尙未可樂觀。惟以滿洲土地之沃，物產之富，倘吾國人能好爲經營，必有大發達之一日耳。況今日俄屬東海濱省及阿穆爾省其初均我國領土，其地居民亦以東胡民族居多，今雖受制于白種帝國主義者之下，然依民族自決之原則，他日收回領土，使我中華民國統一于祖國政府之下，不得不有賴于後人之勢力也。

第六章 珠江下流之同化

珠江下流卽今廣東福建二省，浙江錢塘江之東部雖非珠江流域，然其民族與閩粵相近，亦可謂如同屬。茲分其開化次第如下：

(一) 民族獨立時代 (秦漢以前)

(二) 諸夏文化侵入時代 (秦漢六朝)

(三) 完全同化時代 (隋唐至明)

(四) 文化發展時代 (明末至現在)

第一節 漢以前之形勢

珠江下流之受中國文化在秦漢時，自秦以前與中國發生關係甚少。春秋末年始有越國出現，雖自相傳爲禹後，其實未可深信。越之根據地爲今浙江省會稽道，其後滅吳，北通上國，稱霸中原。其勢北并江蘇，南達福建，戰國末爲楚所滅，餘族徙于浙江南部及福建北部，建甌，越，閩，越兩國。而錢塘江上流之山越，亦爲此族之一部分。此外純粹閩族種類亦甚多，周官，職方氏，掌四夷，八蠻，七閩，九貉，五狄，之人民，可見其複雜，今福建各地語言殊複雜，是其證也。廣東情形更不可深攷。以上諸省民族風俗之大概，所可知者，大約服飾則斷髮文身，舉動則輕悍好鬥，如斯而已。至或有謂廣東一帶之神話有槃弧者，謂卽中國之盤古，因以證中國民族發源于廣東者，則不可

深信矣。

第二節 諸夏民族之開發珠江下流

秦始皇既定六國統一天下，遂發戍卒四十萬人開五嶺以守南越，此爲歷史上之大規模之殖民運動。至始皇爲此之動機如何已不可攷，以理言之，當時廣東一帶在中國視爲蠻荒之區，又不若匈奴之爲害于中國，而始皇顧不惜大舉以經營之，頗令人不解其故；大約當時對於珠江下流之富沃，始皇必已聞之，故始大舉以進圖其地，由此可證在秦以前中國與廣東當必已有交通，惜史無明文，未敢確定耳。自秦以戍卒開五嶺，且隨以婦女，未幾秦末中國亂起，于是戍卒之在廣東者遂起而建南越王國，趙陀爲其君，此爲諸夏民族在珠江流域建國之始。南越傳國三世，至紀元前一一年爲漢武帝所滅，同時閩越、甌越亦俱滅于漢，于是珠江下流遂加入中國版圖。漢武帝徙東甌——卽甌越——閩越之民于江淮間，而以其地及南越，皆置郡縣，中國文化遂漸侵入。其後三國時孫權建國南方，討平山越，開闢交州，對於珠江下流頗

極經營故至六朝時文化已大開，非復向日蠻野之風矣。

第三節 文化之大開

珠江下流至唐時因海上交通之發展遂漸佔重要之位置。唐代西方人士來貿易傳教者均以廣東、福建及浙東爲登陸地，其時口岸如廣州、福州、泉州，皆貿易極盛。唐設市舶使以監督其關稅，歲入爲國用大宗。宋亦因之不改。唐代西方諸國人居於廣東者甚多，黃巢之破廣州，殺阿刺伯人凡十二萬，可見其僑民之多。至宋朝珠江下流之文化遂漸發展，北宋有四大商港，爲廣州、泉州、寧波、杭州，皆在珠江下流。南宋建都臨安，閩浙文化更著。至今宋版書籍以福建刻版爲最多而最優，是其文化發展之證。惟廣東尙未能大開化耳。

第四節 近代珠江下流之發展

自明末中西國際交通復興，珠江下流遂又成重要之口岸，當時如澳門、上川、電白、福州、廈門，等處皆爲西人來華居留之地。清初亦然。清中葉雖中西交通中斷，然自

一八四二年——清宣宗道光二十二年——鴉片戰爭後定南京條約，開五口通商，而珠江下流又復開放。自此以後歐洲文化輸入中國，俱以珠江下流爲門戶，而珠江下流之人民亦以與他族接觸較早，風氣之開較先，故人才亦輩出。自太平天國之亂以來，珠江下流之人民在全國無論政治、經濟、學術界中皆佔有極重要之地位，有左右全國之大勢力。又以自明末以來珠江下流人民之赴南洋殖民者日見其多，多有擁巨資成豪富者，因是其經濟力亦駕國內他地而上之。故人多謂此後中國文化中心將由長江流域而趨于珠江流域，蓋經濟力充足則文化自隨之而發展，乃勢所必至者也。

第七章 蒙古之加入中國版圖

蒙古地處中國本部北方，地勢廣大，人民強悍，向爲中國之大患。自近世以來始加入中國版圖，然民國成立後，外蒙又叛服不常，將來如何解決，尙難預料。此問題關

係於中國前途極大，吾人不可不加以注意也。茲就其發達之次第可分爲下數時期：

- 一曰未與中國發生關係時代（自上古至戰國）
 - 二曰匈奴建國時代（自戰國末年至東漢初）
 - 三曰鮮卑族佔據時代（自東漢至晉）
 - 四曰柔然族佔據時代（北魏初年）
 - 五曰突厥族建國時代（自北魏末至唐初）
 - 六曰回紇黠戛斯建國時代（自唐至宋）
 - 七曰蒙古建國時代（自南宋末至明末）
 - 八曰蒙古加入中國版圖時代（自清至民國）
- 以上八時代分爲七節述之。

第一節 上古蒙古族之在中國情形

上古之時諸夏民族僅局處於黃河流域，對於蒙古無直接關係，故吾人謂爲蒙

古與中國不發生關係時代。然所謂不發生關係者，指蒙古之地方，非指其人種也。蒙古人種自古即散布於長城以南，黃河以北，直隸，山西一帶。黃帝時謂之獯鬻，殷周時謂之玁狁，春秋時謂之狄，其實皆蒙古族也。見於春秋者其種族有白狄，赤狄兩大種，白狄建國曰鮮虞，肥，鼓，等名號，均在今直隸南部；赤狄建國曰東山皋落氏，潞，咎如，潞氏，甲氏，留吁，鐸辰等名號，均在今山西東南部。春秋初年，勢尙強盛，屢侵略諸夏小國，後經齊晉兩霸國之懲創，其勢始衰。尤以晉國所伐滅之狄國爲多，於保障諸夏之功甚大焉。

故至戰國初年，中國本部狄人半被征服，半已同化，所餘均逃至塞外，有林胡，匈奴，澹盭，樓煩等部，俱在今內蒙古一帶與燕趙秦三國爲鄰。趙武靈王至胡服騎射以禦其侵略。至戰國末年，匈奴逐漸強大，遂並吞諸部，建立蒙古民族之大帝國，南與中國人所建之秦漢大帝國相抗，而形勢一變矣。

第二節 匈奴之強盛及滅亡

匈奴之起不知在何時，史稱其爲夏後，未可信也。至戰國末年始強，其俗以牧畜爲業，士盡能彎弓，重少輕老，父死妻其後母，兄弟死皆取其妻妻之。其君曰「單于」，都曰「庭」。其單于姓孛提氏。戰國時侵略趙邊，爲趙將李牧所破。至秦并六國，命蒙恬將兵三十萬北伐匈奴，其單于頭曼北遁，收其河南地——卽今河套——因燕趙秦之舊築長城，東起山海關，西至嘉峪關，爲中國歷史上第一大建築。秦始皇死後，中國內亂，匈奴頭曼單于之子冒頓弑其父而自立，東滅東胡，西滅大月氏，遂成爲塞外統一之國。紀元前二百年——漢高帝七年——圍漢高帝於平城，漢求和乃得釋。自後七十年中，漢以和親政策籠絡匈奴，不敢與之競爭也。當時匈奴威令所及東至海，西達中亞，諸國俱畏之。及漢武帝立，恥匈奴之強，乃東並朝鮮，西通西域，以絕其援。命衛青、霍去病、李廣利等先後出師北伐，匈奴大受挫敗，其勢頓衰。漢宣帝時其國五單于爭立，皆引漢爲援。後又并爲呼韓邪及郅支二單于，漢助呼韓邪攻敗郅支，郅支西遁，爲漢兵所殺，呼韓邪遂稱臣子。漢自紀元前三三年至紀元後七十年四十年間匈奴

皆服屬于漢。及王莽篡位，擾動匈奴，匈奴復叛，後分爲南北匈奴，南匈奴服漢，北匈奴不服漢。紀元後八十九年——東漢和帝永元元年——大將軍竇憲北伐北匈奴，大破之，至燕然山——外蒙杭愛山——勒銘而回。紀元九十一年又伐北匈奴，北匈奴遁逃西方，後遂爲擾亂羅馬之動因。南匈奴則東漢一代雖時有叛服，然勢力漸微。至東漢末曹操分其衆爲五部，使居山西境內，遂爲五胡亂華之動因。然自是外蒙古遂無匈奴之蹤跡矣。

第三節 鮮卑柔然之相繼勃興

自匈奴失敗，蒙古之地遂虛，於是東胡族之鮮卑，遂乘機加入據之。東桓漢帝時——紀元一五零年頃——其大人檀石槐在位，有勇略，立庭於蒙古中部，北拒丁零，東卻夫餘，西擊烏孫，南寇漢邊，盡據匈奴故地。分其衆爲東、中、西三部統之。漢庭屢遣將擊之，均不克。至檀石槐死，國內亂，邊患始紓。經三國至晉初，鮮卑之勢又強，侵入中國，分建數國。北魏最大。當北魏建國之時，有柔然者，亦東胡族，姓郁久闐氏，亦據外蒙

古屢侵魏境，其酋長社崙自稱豆代可汗。紀元四二五年——魏太武帝始光二年，北魏太武帝自將伐柔然，破其兵。後四年，太武帝又自將擊破之，柔然降者百萬，餘衆西竄，其族遂衰。

第四節 突厥之盛及其滅亡

突厥民族今之回族亦即土耳其族也。舊居天山系與阿爾泰山系中間。秦漢間進至貝加爾湖畔，史稱丁零，爲匈奴屬國。匈奴亡後，鮮卑，柔然迭興，突厥族均爲之役屬。其部落有高車，鐵勒，突厥諸名，均散居外蒙古西部。突厥酋長姓阿史那氏，紀元五四〇年左右，其酋長土門，自立爲伊利可汗，擊破柔然兵，殺柔然可汗頭兵。柔然從此衰，而突厥代興。至五五五年——梁敬帝紹泰元年，伊利之弟末杆可汗滅柔然，遂統一漠北。又西破嚙噠——北印度大國，——南降吐谷渾，——青海大國，——東攘契丹，北併結骨——西伯利亞之野蠻部落。——時中國正在南北朝對立時代，而北方又分爲周齊二國，爭引突厥爲援。於是突厥遂爲亞洲第一強國。其俗多與匈奴

同。君主名「可汗」，大官有「葉護」，其次「特勒」，次「俟利發」，其餘小官凡二十八等。其刑法反叛殺人，姦人之婦，及盜馬絆者均死。姦人女者，重責財物，即以女妻之。鬥傷人者，隨輕重輸物。傷目者償以女，無女則償婦。傷折股體者輸馬。盜馬及雜物者各十餘倍徵之。死者停屍於帳，子孫及親屬男女各殺羊馬陳於帳前祭之，繞帳走馬七匝，詣帳門，以刀釐面且哭，血淚均流。如此者七度乃止。擇日取亡者所乘馬及經服之物并屍俱焚之，收其餘灰，待時而葬。其葬掘土爲窟，上立屋中圖畫死者形相，及其生時所立戰功，凡殺一人則立一石，有至千百石者。婚姻由男女相悅，父母不加禁止。可汗恆處於都斤山，牙帳東開，蓋敬日之所出也。每歲率諸貴人祭其先窟，又以五月中旬，集他人水拜祭天神於都斤西五百里。其書字類胡，不知年歷，以草青爲度。其風俗大低於匈奴相同。

隋初中國漸歸統一，而突厥分爲四可汗，於是彼此形勢始變。隋文帝用長孫晟之策，離間其諸可汗，突厥勢遂分。沙鉢略可汗在東方爲東突厥，阿波可汗在西方爲

西突厥沙鉢略可汗請降於隋，未幾卒。至隋煬帝時，其姪突利可汗因內亂奔中國，始改封爲啓民可汗，以義成公主妻之，是爲突厥降順時代。及隋末天下亂，羣雄并起，爭引突厥爲援，於是突厥又強。六一五年——隋煬帝大業十一年——突厥始舉可汗率騎數十萬人寇，圍煬帝於雁門。唐初又屢入寇。唐太宗立，乃於六三〇年遣李靖等分道大舉伐突厥，擒其頡利可汗，遂以突厥故地置定襄雲中二府，東突厥遂亡。時西突厥在新疆一帶勢猶強。六五七年唐高宗遣蘇定方伐之，擒其可汗，分其地置崑陵，濛池，二都護府，於是西突厥亦亡。其餘部逃至亞洲西部，爲土耳其民族之起源。東突厥降中國後嗣後尙叛服不常，直至回紇興起後始爲所滅。

第五節 回紇黠戛斯之相繼興起

回紇本鐵勒十五部之一，與突厥民族同種。唐太宗滅突厥後，蒙古地空虛，有薛延陀部者，亦突厥種人，與回紇相爭，後爲回紇所破，時回紇酋長吐迷度降唐，拜爲懷化大將軍，然猶私稱可汗，置官屬。爾後世服從唐朝。至唐玄宗時，其酋長護輸可汗始

盡并諸部，入朝于唐，唐封爲懷仁可汗，國勢大強。其地東至黑龍江，西抵阿爾泰山，南抵大漠，盡得古匈奴地。後唐遭安史之亂，借兵回紇，始獲平定，于是回紇益驕。七六五年——唐代宗永泰元年——與吐蕃連兵入寇，幸郭子儀責以大義始退。嗣後累代與唐通好，不復擾亂。至八四五年——唐文宗開成五年——爲黠戛斯所破，其勢頓衰。八四八年——唐宣宗大中二年——其國遂亡。餘衆徙於甘肅嘉峪關以西，至元時爲畏吾兒國。其蒙古之地遂爲黠戛斯所據。

黠戛斯者亦突厥種，古名爲堅昆，唐初名結骨。在回紇西北三千里。其人長大，赤髮，皙面，綠瞳，以黑髮爲不祥，據此而觀，則又似與白種人相近。衆數十萬，勝兵八萬。其族男多女少，以環貫耳，俗竊仇，男子有勇黥其手，女子已嫁黥其項。謂歲首曰茂師，哀以三哀爲一時。以十二物紀年。農產有禾，粟，大小麥，青稞，步禮以爲麵，有糜，稌，以三月種。九月穫，以爲飯，以釀酒而無果蔬。其戰有弓矢，旗幟，其騎士析木爲盾，蔽股足，又以圓盾蔽肩，可捍矢刃。其君曰阿熱，遂姓阿熱氏。服黃貂納，阿熱冬帽貂，夏帽金釧，銳頂。

而卷末諸下皆帽白氈，喜佩刀礪，賤者衣皮不帽，女衣毳毼錦罽，蓋由中國買入者。阿熱住于青山，周圍樹柵，聯氈爲帳，名曰『密的支它』。首領居小帳，其官有宰相，都督，職使，長史，將軍，達千六等。樂有笛，鼓，笙，鑼，栗，戲有弄駝，獅子，馬技，繩伎，祠神，惟主水草，祭無時，呼巫爲甘昏，嫁納羊馬以聘，富者或百千計。喪不釐面，三環尸哭，乃火之，收其骨，逾歲乃葬。冬處室，木皮爲覆。其文字言語與回紇同。其種人原屬於突厥，後又屬於薛延陀，又朝於唐，唐以爲同姓優待之。回紇強後遂屬於回紇。唐中葉回紇衰，其阿熱遂自稱汗，屢助唐與回紇戰，回紇屢敗。遂代回紇領有蒙古地，屢朝於唐。及唐末中國亂，黠戛斯與唐之交通遂絕。自此以後黠戛斯亦日趨於野蠻，五代時契丹勃興，遂隸屬於契丹。

第六節 蒙古大帝國之建立及其末路

蒙古之地自契丹勃興以來卽隸屬於契丹，女真興後，又屬於女真，百餘年間，於民族史上不佔重要之位置，直至元帝國勃興，乃始現空前之異彩焉。初蒙古之地當

金末年，分爲若干小部落，有汪古部、塔塔爾部、泰楚特部、克噶部、奈曼部、蒙古部等名。稱蒙古部之酋長郤特——舊作奇握溫——姓特穆津——舊作鐵木真——年少而勇健，知兵，先後平滅諸部，一一〇六年——宋甯宗開禧二年——會各部長於幹難河源，自稱成吉思汗，是爲德太祖，遂統一蒙古，嗣後南侵金，西平西夏，西遼，花刺子模諸國。至其子太宗，謬格德依——舊作窩闊台——時遂南滅金，西征俄羅斯，敗波蘭，匈牙利之兵，前鋒直抵意大利，遂統一亞洲及歐洲東部。至世祖呼必賚——舊作忽必烈——又南滅南宋，安南等國亦均降服。遂將其轄境分爲一帝國四汗國。一帝國者元朝，四汗國者奇卜察克汗——舊作欽察汗——察罕台汗，謬格德依汗——舊作窩闊台汗——伊兒汗是也。蒙古族之勢力至此極矣。

蒙古族之興也甚遽，其亡也亦甚遽。自元太祖建國後，僅閱五十年，遂統一歐亞，然又閱八十年，其所建諸國遂紛紛瓦解。其西方諸汗國，自元末有帖木兒者，亦蒙古族，出於察罕台汗國，南滅伊兒汗，西服奇卜察克汗，建帖木兒大帝國，一時勢甚強。然

帖木兒卒後，諸子爭立，國內亂，遂漸紛裂。奇卜察克汗後滅於俄羅斯。察罕台及伊兒二汗故地則分裂爲許多小部落，至十八世紀初年亦均爲俄所併。其東方則諤格德依汗國早爲元朝所滅，元朝建國八十年，至元順帝時，漢族起兵恢復，順帝爲明太祖所逐，遁逃漠北，蒙古族在中國本部之勢力遂亦失墜而又復以蒙古之一隅爲蟠據之地矣。

蒙古族自遁回蒙古後，分裂爲韃靼、衛拉特二部，互相爭長，迭有勝敗，明代恆利用其弱者以禦其强者。明初韃靼族之阿嚕台勢甚強，屢侵中國，爲明成祖所敗，後爲衛拉特部長托歡所殺，於是韃靼衰而衛拉特盛，托歡之子額森——舊作乜先——南侵中國，明英宗親征禦之於土木——今直隸口北道懷來縣——大敗，爲所執，後爲明兵部尙書于謙所敗，始戢其野心。後額森爲其臣所殺，國內亂，韃靼部遂乘勢恢復勢力。明憲宗時韃靼部之首領巴圖蒙克乃元順帝七世孫，自立爲達延汗，統一諸部，國勢富強，明史稱爲小王子。達延汗分封諸子於內外蒙古，遂爲今日蒙古諸部之

祖。其後歷代服屬於明，雖偶有侵，不爲大患。明末內蒙古之察哈爾部林丹可汗有勇略，欲統一蒙古，不幸爲清太宗所敗，走死，於是蒙古遂服於清矣。

當明末清初之際，蒙古約分爲四大部，一日漠東科爾沁，蒙古，二日漠北喀爾喀，蒙古，三日漠南內蒙古，四日漠西厄魯特，蒙古。清之興也，科爾沁，蒙古，首先降附。清太宗擊敗林丹汗，內蒙古遂亦服清。外蒙喀爾喀初分三部，曰土謝圖汗，車臣汗，札薩克圖汗，本皆獨立，不屬於清；至清聖祖時，因受厄魯特，準噶爾部之侵略，遂降於清。後土謝圖汗親王策凌與準噶爾部戰有功，遂增封爲三音諾顏汗，外蒙古遂成四部。漠西厄魯特，蒙古者，其根據地在新疆，天山北路，清初分爲四部，曰和碩特部，曰準噶爾部，曰杜爾伯特部，曰土爾扈特部。準噶爾部勢最强，鎮服餘三部，又干涉天山南路回部宗教之爭，又與西藏喇嘛相勾結，其勢張甚。後侵略外蒙古，外蒙古求救於清，聖祖親征敗之，準噶爾遂衰。至高宗時，乘其國內亂，遣將伐滅之，於是新疆之蒙古族遂亦服於中國。而蒙古列爲中國藩屬者垂二百年。

第七節 蒙古之現狀

蒙古與滿洲語言習慣均甚接近，故有清一代，蒙古極爲恭順。清庭又利用喇嘛教以籠絡其民，迎西藏大喇嘛於蒙古爲宗教之宗，是爲活佛。此外則於外蒙古設庫倫辦事大臣以監視之。內蒙古設察哈爾、熱河、綏遠三將軍。又爲烏里雅蘇台定邊左副將軍，駐外蒙古西部。皆所以統治其民。其屬於蒙古族之自治機關則內蒙分爲東四盟西二盟，盟各分旗若干，外蒙則連漠西蒙古在內共分喀爾喀、杜爾伯特、土爾扈特、和碩特四大族，族下分盟，盟下分部，又分旗。大率盟有盟長，旗有旗長，皆各部王公充之，其王公稱爲『札薩克』。然實際皆受政府官吏之指揮並無實權。至民國以來，制度未改，惟民國三年時政府因恐外蒙獨立影響內蒙，遂將熱河察哈爾歸綏三處劃爲特別區域與行省同視，內蒙之地皆分隸三區，仍設都統治之，今後內蒙當不復有脫離吾國之虞矣。

自清末官吏苛暴，蒙人受其騷擾，頗有叛意。民國革命軍起，外蒙遂乘機宣告獨

立，以活佛爲君主國，實則受俄人之鼓動，凡事不克自由。民國三年結中俄條約，外蒙允取消獨立，而爲自治區域。民國八年，俄帝國革命，無暇外顧，外蒙失其奧援，政府遂遣西北籌邊使徐樹錚往勸取消自治，然蒙人被迫過甚，心弗善也。及直皖戰起，中國內亂，外蒙乘機起叛，擊散中國駐兵，殺戮華商，遂又與中國脫離關係。俄舊黨謝米諾夫等助之。我政府迫於內亂，不能討。民國十一年，俄新黨政府遂以討舊黨爲名，入據庫倫，助外蒙建君主立憲國，仍以活佛爲君，而實權握於外蒙國民黨之手，故又稱國民政府。十三年上半年，外蒙活佛哲布尊丹巴呼圖克圖死，遂變君主爲民主。蘇俄與蒙古又結密約，承認其獨立。我政府極力交涉，乃以承認俄新黨政府爲條件，結中俄條約，俄承認外蒙爲中國領土，取消其獨立資格。然實際上外蒙之獨立仍此故也。近則蘇俄自在華侵略失敗，中俄絕交後，乃注全力於外蒙，訓練軍隊，不遺餘力，前途未可輕視。此後發展之情形如何，當視我國內政統一之情形如何，以爲判焉。

第八章 西北之開拓

西北一帶即今新疆甘肅二省及青海之地，自古爲獨立區域，直至最近始加入中國版圖，其歷史上之經過約可分爲以下數時代：

- (一) 未與中國發生關係時代（漢以前）
- (二) 小國分立時代（兩漢六朝）
- (三) 漢回藏三族競爭時代（唐）
- (四) 西夏國時代（宋）
- (五) 蒙古族勢力侵入時代（元清明）
- (六) 近代西北之開拓時代

第一節 漢以前之西北民族與中國之關係

西北一帶自漢始與中國發生關係，漢以前雖有種種傳說，如黃帝登崑崙之丘，

周穆王適西王母之國等說，似西北交通在上古時代已甚發達，然其言類多神話，未足徵信。至於漢族西來之說，亦多屬好事者附會，非有確證。蓋上古時代諸夏族勢力僅及黃河中流，西北一帶距離尙遠，當然無從發生關係。惟其時西北民族侵入中國者甚多，古史統名之曰戎，細別之有犬戎，驪戎，義渠，大荔，大戎，小戎，陸渾之戎，揚拒泉，臯之戎，蠻氏之戎，茅戎等名稱，皆分布於今陝西甘肅二省及河南西部。時與中原小國發生衝突。其最強之部曰犬戎者，至將西周帝國推倒，可見其勢力之強矣。幸秦國勃興於陝西中部，與戎人血戰數百年，秦穆公並國二十，遂霸西戎，戎人之勢始衰。至戰國時秦人益強，在陝西及甘肅東部一帶之戎人大半皆爲秦所並，同化於諸夏族，所餘之西北民族遂不得不退處於西北方面矣。

第二節 漢代對西北之經營

當紀元二百零六年以後，中國方面統一于漢朝，而蒙古方面亦統一於匈奴，南北兩大民族所建之帝國，彼此競爭甚烈，而其競爭之焦點則在西北方。當時西北方

面，除青海爲羌人所據，尙在野蠻部落時代，未具國家之規模外，其新疆天山南北路小國林立，皆有制度文物，最著者，有樓蘭，車師，疏勒，莎車等共三十六國。新疆西北部則有烏孫，爲較大之國。再西越葱嶺至中央亞細亞則有大宛，康居，大月氏，安息，條支等國。當漢朝初年匈奴之勢甚強，甘肅西北部盡爲匈奴所有，於是西北諸國皆服屬於匈奴。及漢武帝立欲與西北諸國夾擊匈奴，乃使張騫通西域使大月氏，於是西方諸國始與漢交通。其後漢武帝用和親政策，以江都王建女細君及楚王戊女解憂爲公主，連嫁烏孫王，於是烏孫與漢和好，屢出兵夾擊匈奴，匈奴勢大衰。又遣將軍趙破奴伐樓蘭車師，李廣利伐大宛，均破之。漢威遠震於西北。時匈奴已爲漢所破，其甘肅之地皆歸於漢。漢置張掖，酒泉，武威，燉煌等四郡，設亭障，置戍卒，西北之交通大便。自後經昭帝，宣帝兩代，匈奴與漢互爭西域，而漢將傅介子，鄭吉，馮奉世，常惠等立屢戰功，匈奴不能敵。紀元前六十年——漢宣帝神爵二年——匈奴內亂，其勢益衰，於是置西域都護，治烏壘城——今新疆哈密縣——以統屬西域諸國。自是以後六十年

間西域均服屬漢朝。直至王莽篡國，擾動藩屬，北匈奴乘機復叛，西域諸國皆歸之。及東漢明帝時，遣大將軍竇固西征，固使假司馬班超經略西域，超善利用土人使之互相箝制，在西域數十年，威名甚著，自此西域遂長服於漢，至東漢末年中國內亂，始與西北隔絕云。

東漢西域諸國雖均降服，而青海羌患又作。羌人本屬西藏族，自漢初即盤據於青海一帶，勢力侵及甘肅西南。其族有先零、燒當二部最強。西漢宣帝時羌人叛，遣趙充國擊破之。至東漢初年，中國內亂甫平，羌人又乘勢作亂，侵略甘肅陝西邊境。漢廷屢發將討之，不能成功。和帝時乃用曹鳳之議，繕修故西海郡，徙金城西部都尉以戍之，屯田增兵，於是青海東部漸入漢族勢力範圍。其後東漢一代羌人仍屢經叛亂，漢廷竭全力以經營之，糜費千萬，天下騷然，而西方戍守之兵，逐漸跋扈，遂開董卓亂國之漸。其後經三國至西晉初羌人逐漸移居陝西，晉武帝時江充作徙戎論，請預遏其患，武帝不省。至五胡亂華時，氐羌二族建前秦，後秦，後漢，成漢，諸國擾亂中國，而其族

亦多同化於漢族焉。

第三節 六朝時代之西北

中國自漢末以來內亂蔓延，西域諸國，交通久絕。前秦王苻堅統一江北，車師、鄯善，入朝於秦，請爲嚮導以伐西域之不服者。紀元三八二年，堅以呂光爲都督，率兵十萬伐之，光至西域，攻破龜茲國，餘國降。適前秦以攻晉致敗亡，光遂歸。至後魏太武帝時，西域諸國始又來朝聘，魏使韓牧爲領護西戎校尉，以統屬之。及魏擊破柔然後，西域諸國始完全臣服。當是時，惟青海爲吐谷渾所佔據，稱西方大國焉。

吐谷渾者亦鮮卑種，姓慕容氏，與前燕同族。其始祖名吐谷渾，爲前燕王廆之庶兄，於紀元二百年左右率衆西抵青海。至其孫葉延立乃建國，以其祖之名名爲吐谷渾。歷代服屬於中國，國勢甚固。其俗雖有城郭而不居，皆居穹廬，隨水草畜牧。其君主初稱王，後稱可汗，其官有王公僕射，尙書，郎中，將軍等號。其俗男子衣服與中國略同，多以羅幕爲冠，亦以緙爲帽。婦人皆貫珠貝束髮，以多爲貴。兵器有弓刀甲稍，國無常

賦，有所需則稅富室商人以充用焉。其刑法殺人及盜馬者死，餘則罰物，亦量事決杖，刑人必以氈蒙頭，持石從高擊之。父兄死，妻後母及嫂等，與突厥俗同。至於婚，貧不能備財者，輒盜女去，死者亦皆埋殮，其服制葬訖則除之，性貪婪，忍於殺害，好射獵，以肉酪爲糧，亦知種田。有大麥粟豆。土出犂牛，馬騾。多鸚鵡，饒鋼，鐵，朱砂。吐谷渾自三二二年建國，凡傳國三百五十年，至六六二年。——唐高宗龍朔三年——吐蕃強盛，吐谷渾遂爲所滅焉。

自漢通西域以來，新疆與中國之交通日繁，印度希臘文化皆由此地間接輸入，而尤以佛教之輸入爲影響最大焉。自六朝末年突厥勃興後，天山南北路均爲突厥所據。西突厥之根據地卽在於此。唐滅西突厥後，於天山南路設安西，崑陵，濛池，三都護府，於天山北路設北庭都護府。其下分設都督府若干，於是西北一帶，除青海前爲吐各渾後爲吐蕃佔據外，餘均直接隸唐版圖。然未幾蒙古地方爲回紇所據，西藏地方爲吐蕃所據，此北面西面之一大強國皆欲以西北爲其勢力發展之地，於是新疆

甘肅一帶遂成爲漢（唐朝）回（回紇）藏（吐蕃）三族勢力衝突之區而尤以吐蕃之勢爲最強。紀元七六二年——唐代宗廣德元年——吐蕃率吐谷渾黨項氏羌等二十餘萬衆深入爲寇甘肅一帶皆陷，時安西北庭雖仍爲中國將士所守然與中國不通音問者數十年。

安西北庭二鎮與回紇相結共抗吐蕃及七九〇年——唐德宗貞元六年——

吐蕃大破回紇兵。於是天山南北路間盡入吐蕃勢力範圍矣。至紀元八四九年

——唐宣宗大中二年——吐蕃內亂，於是河隴——卽甘肅——州郡復降於唐。然

天山南北路爲回紇突厥吐蕃遺族所割據，變成野蠻部落不復爲中國所有矣。

第五節 西夏之建國

自唐末經五代以至宋初，青海仍爲吐蕃所據，新疆天山南北路仍爲諸野蠻部落分據，內中以回紇遺部爲較大，初據甘肅甘州，後爲西夏所逼徙於天山南路，至元時名畏吾兒國，傳至明初尙未亡。甘肅北部新興起一黨項族所建之西夏國，東與宋

遼競爭，此亦西北方面可紀之事也。黨項本羌之別種，與吐蕃同屬西藏族，居於青海甘肅邊界，初隸於吐谷渾，後降唐。及吐蕃強後，黨項爲所逼，始遷於陝西甘肅北部。

唐末其酋長拓跋思恭鎮夏州——今陝西榆林道——統銀夏綏宥靖五州，

討黃巢有功，始賜姓李。嗣後子孫世據其地。至宋初其玄孫李繼遷據地自立，屢助契丹侵宋，契丹封爲夏國主，後又請降於宋，宋賜姓名趙保吉未幾復叛。一〇三八年——

宋仁宗寶元元年——至其孫元昊時，開稱皇帝，建國號曰大夏，用中國人張元昊

吳二生爲謀主，明號令，改官制，分文武班，自中書令，宰相，樞密使以下分命蕃漢人爲之，立蕃漢學，以服色別貴賤，自制西夏文字，形體方正類中國字。於是西侵吐蕃回紇

及蘭州諸羌，盡并甘肅西北境，定都興慶府——今甘肅甯夏道治——有兵十五萬八千餘人，國勢甚張。自元昊以後屢世與宋遼構兵，國勢漸衰，凡傳十帝，一百八十九

年，至紀元一二二七年爲蒙古所滅。

第六節 元明清三代之西北情形

元代崛起蒙古并吞歐亞大部，西北諸省自亦歸其所屬。元代封四汗國，天山北路屬喀喇格德依汗國，天山南路屬察罕台汗國，甘肅及青海則屬於元朝。後元滅喀喇格德依汗，而天山北路遂入於元，自後蒙古族勢力遂侵入新疆。元末帖木兒帝國興於西方，天山南路歸其掌握，帖木兒國亡後喀什噶爾汗國代興，跨葱嶺東西而建國，其時之天山南路仍歸其所屬。天山北路則爲蒙古族之衛拉特部所據，至明末遂變爲厄魯特蒙古，內分和碩特，準噶爾，杜爾伯特，土爾扈特四部。清初準噶爾部噶爾丹汗有雄才，并吞諸部，四出經營。時天山南路自喀什噶爾汗國時輸入回教，傳布甚盛。喀什噶爾汗國衰，回教教主之齋和卓木居此，遂以教主兼有政治上勢力，稱爲回部，至是準噶爾乘其內爭，干涉之。青海在明代爲朵甘土司居地，清初和碩特蒙古居於此，至是亦降於準噶爾部。於是準噶爾之勢力南達西藏，東達外蒙古，南下與清爭衡。一六九五年——清聖祖康熙卅四年——清聖祖親征大破噶爾丹於昭莫多，噶爾丹走死，其勢遂衰。一七二三年和碩特蒙古據青海叛，清世宗命年羹堯及岳鍾琪討平。

之，於是青海歸入中國版圖。一七四五年準噶爾國內亂，清高宗命班第永常等出師滅之，於是天山北路歸入中國版圖。一七五八年回部叛，高宗命兆惠進攻滅之，於是天山南路亦歸入中國版圖。西北一帶之完全加入中國實自此始。然天山南路猶屬回族人佔據，天山北路猶屬蒙古人佔據，清廷以自治區域待之，不設郡縣，不置官府，雖云爲中國版圖，與內地諸省猶有異也。

第六節 近代西北之開拓

清代雖滅西北爲國有，而不以內地行省之法治之，故其土族時起變亂，而俄人亦眈眈虎視，欲併其地。咸豐同治間太平天國亂起於江南，回人亦乘勢起兵佔據伊犁，謀併吞天山北路。清廷命左宗棠討北回部，一八七〇年——清穆宗同治九年——克金積堡，殺回酋馬化龍，於是甘肅悉定。遂進兵新疆，一八七八年——清德宗光緒四年——新疆亦全定，惟伊犁尙爲俄人所據。次年遣崇厚爲全權大臣使清定中俄條約，損失甚鉅，約成，朝議大譁，下崇厚於獄，謀改約。俄人不允，幾決裂。幸左宗棠在

新疆整兵備戰，俄人不敢堅持，乃別遣曾紀澤於一八八二年——光緒八年——另結新約，遂成現在之國界。自此清廷知西北之緊要，遂於同年改設新疆省以內地之制施之，至今數十年得以無事。又自左宗棠征西北後，所率湘人子弟多留居於此，于漢回種族之融合大有力焉。將來隴海及京漢鐵路全修通，西北之開發當更有望矣。

第九章 珠江上流之同化

珠江上流即今雲南貴州廣西三省與中國之交通較遲，其開化亦較晚。約其同化之次第可分爲以下數期：

- (一) 未與諸夏交通時代（戰國以前）
- (二) 西南夷盤據時代（秦漢六朝）
- (三) 南詔大理建國時代（唐宋）
- (四) 同化成熱時代（元明清現代）

第一節 上古之珠江上流及漢代之經營

珠江上流之交通中國在戰國末年，前此毫無關係，故其情形如何不得而知，大約不外苗蠻族之部落紛紛割據而已。史載商高宗伐鬼方，或謂鬼方即今貴州境然以當時情形考之，恐商之勢力未必能及於此，有謂鬼方乃北狄者其說較信。武王伐紂，微盧彭濮之人皆爲之助，濮在今雲南境，似彼時已與中國交通然未聞輸入中國文化也。春秋時楚之疆界南抵湖南，故與珠江上流漸次接近，嘗與濮發生衝突，然未收其地而有之。至戰國末年楚王使莊驕率兵伐黔蜀至滇，聞秦奪楚巴黔中郡，道不通，遂王於滇。秦統一天下雖於此置吏，然實不能干涉其事務。至漢初其地蠻族分立，約分爲數部。四川之南境爲一部，其君長十數，以夜郎爲最大。其西靡莫之屬爲一部，君長以十數，滇最大。自滇以北爲一部，君長以十數，邛都最大。以上三部皆知耕田有邑聚，民離結，文化較高。其外今四川建昌道東南部有雋，昆明二族，其俗以牧畜爲主，遷徙往來無常處，民皆編髮，似文化較低。自雋東北另爲一部，君長以十數，徙窄最大。

自笮東北又另爲一部。君長以十數。冉駹最大。其俗或土著或移徙。蓋處於農業生活與牧畜生活之間。四川往西自冉駹東北另爲一部。君長以十數。白馬最大。以上漢時統謂之西南夷。其地蓋包今雲南貴州及四川西南境及川邊一部。其民族則大部分爲苗蠻族。而小部分則巴蜀族及西藏族也。紀元前一三〇年——漢武帝元光五年——始用唐蒙司馬相等之計通西南夷。其後張騫從西域歸欲從西南以通身毒——卽今印度——乃始發兵討平其不服者。置犍爲、越嶲、益州、牂牁等郡以治之。賜其部落君長以侯王之印。以羈縻之。於是中國勢力始達於珠江上流。其後蠻族懾服。漢威世代服從。漢亦任其自治。不加壓迫。三國時益州耆帥雍闓與郡人孟獲等反。蜀漢丞相諸葛亮討平之。置庾降部督鎮其地。晉武帝時置甯州刺史。歷南北朝至唐初。位置無改焉。

第二節 南詔大理之建國

自漢以來西南夷雖屬於中國。然始終並未同化。至唐初分爲六部。曰蒙、嵩、詔、白

越析詔曰浪穹詔曰澄澗詔曰施浪詔曰蒙舍詔詔者蠻語王之謂也六詔在今四川南境及雲南。蒙舍詔在最南故曰南詔。其王蒙氏初服從於唐後勢漸強至唐玄宗開元末年其王皮邏閣賂唐劍南節度使王昱使代奏求合六詔爲一許之冊封皮邏閣爲雲南王於是南詔遂統一西南至其子閣邏鳳立與吐蕃結納前後連破唐兵勢強甚其孫異牟尋時爲唐所敗改國號曰大理用漢人鄭回之策立制度興學校復聯唐而拒吐蕃文化大開其國境東抵廣西南抵安南西至川邊北至四川中部爲珠江上流一大國王都于羊苴畔城——今雲南大理——內官以坦綽布燹久贊最高名曰清平官猶唐之宰相此下有九爽三詬分主國事外官有六節度十臉——臉猶中國之州其王母曰信麼亦曰九麼妃曰進武信麼其人好佩飾物婦人不粉黛貴者綾錦裙襦上施錦一幅以兩股辮爲鬟髻耳綴珠玉之屬女嫠婦與人亂不禁婚夕私相送已嫁有姦者謫死俗以寅爲正四時大抵與中國小差膾魚寸以胡瓜椒蓼和之號鵝闕吹瓢笙篳四管酒至客前以笙推盞勸酬以繪帛及貝市易貝大者若指十六枚爲

一『覓師』行人齎糧斗五升，以二千五百人爲一營，其法前傷者養治，後傷者斬。犁田不一牛三夫前挽，中壓，後驅。然專於農，無貴賤皆耕，不繇役人，歲輸米二斗，一藝者給田，二收乃稅。其風俗之大略蓋如此。自異牟尋以後，屢代與中國衝突，屢侵蜀境。紀元八五六年——唐宣宗大中十三年——其王會龍遂自稱皇帝，改國號曰大禮，連年北侵四川，東侵廣西，唐室大受其困。龐勛黃巢之亂，實起於與南詔之競爭也。其後南詔亦漸衰弱，至唐末遂爲其臣鄭買嗣所篡，改號大長和。鄭氏傳國三代，至後唐明宗時又爲其臣楊千貞所篡，千貞擁立趙善政，是爲天興朝。未幾千貞又廢善政而自立，是爲義甯朝。千貞暴虐，民心不服，其臣段思平起兵攻之，千貞出奔，於是段思平遂於紀元九三七年卽位，改國稱爲大理，是爲大理國。段氏傳國十四世，一百五十八年，至一〇九四年——宋哲宗紹聖元年——禪位於其臣高昇泰，改國稱爲大中。未幾昇泰死，命其子仍歸國於段氏，而實權握於高氏，是爲後理。又傳八世，一百五十七年，至一二五三年——宋理宗寶祐元年——蒙古憲宗遣其弟呼必齊——卽元世祖

——來攻，滅之，於是自唐以來獨立之一國遂變爲中國之一省矣。

第三節 元以來之珠江上流

元滅後理，始收珠江上流於中國境內，然其治之之法則猶不與內地同等。大抵賜其土著之酋長以官爵，有宣慰、宣撫、招討、安撫等名號，謂之土官。土官之上設漢官以監督之，然不能事事干涉也。明及清初沿襲此制不改。其土官之強者往往統千百家，勢若小國皇帝，故每易作亂。明清以來苗亂史不絕書，凡以此也。至清世宗時雲南總督鄂爾泰乃創改土歸流之議，欲將世襲之土官盡改爲派遣之流官。用兵數年，凡不服者皆戡定之，於是珠江上流土族之勢力乃全剷除。今日珠江上流之得列於本部諸省者，未始非此舉之收效也。

現在珠江上流漢族移居者甚多，土著民族——即苗族——被漢人之壓迫，少半同化於漢族，多半則退處於羣山之中，日加退化。其種類亦甚繁多，相傳有九種十八苗之說，然大要分之不過三種。一曰純粹苗族，即所謂生苗是也，此種人現皆居於

山中不與漢人相接，其風俗野蠻，生產力薄弱，性情凶頑，富於合羣性與冒險性，迷信最深，婚姻全任自由，有跳月歌舞之俗，無文字，不通漢語，其種類有貓，豹，獠，羅兜苗，螺，螞苗，蚌蛤苗，鷺鷥苗，畫眉苗，罐罐苗，刷把苗等。二曰半漢化苗族，即半熟苗也，此種人與漢族稍能接近，多居於平原之鄉村中，風俗純樸，性情誠實，實於合羣性，不如純粹苗族迷信之深，婚姻自由，通漢語，無文字，生產力繁盛，其種類有蓑衣苗，打跨苗，鳳頭苗，海蛤苗，格兜苗，紅脚苗，清江苗，黑苗，下河苗，棒頭苗等。三曰純粹漢化苗族，即所謂熟苗是也，風俗奢華，性情狡猾，富於合羣性，迷信多端，婚姻專制與漢族相同，無文字，能通漢語，殖民繁盛，居於城市，歷代苗亂多起於此種人，蓋以苗人殘忍之本性而又加以漢人之狡猾也，其種有龍，馮，蔡，宋，狝家，水犭猪等。

第十章 西藏之加入中國版圖

西藏之通中國也最晚，蓋唐時始輸入中國文化，自唐以前雖有藏族之羌人等

曾與中國發生衝突，然其憑藉之地在青海甘肅不在西藏也。今就西藏與中國之關係分其時代如下：

- (一) 吐蕃建國以前時代 (唐以前)
- (二) 吐蕃建國時代 (唐至宋末)
- (三) 喇嘛教勢力全盛時代 (元明清)
- (四) 外國勢力侵入時代 (清末至今日)

第一節 唐以前之西藏情形

西藏青海地方爲圖伯特 (Tibet) 民族——即藏族——之根據地，地居喜馬拉雅山系與崑崙山系之間，居亞州之脊，地勢高寒，不適於農耕，故文化發展較遲。上古時代，因地處偏遠，故與諸夏民族無甚交涉。雖有人謂中國民族係由西方先入西藏而後始遂漸散布於黃河長江兩流域者，然事無佐證，不足信也。自三代以來有戎氏等諸民族雜處於陝西甘肅邊境爲中國害，此等民族或謂屬於回族，或謂屬於藏族，未

知孰是。以今觀之，則回族之名爲後起，最初原非一種民族，不過蒙古民族與西藏民族之混種耳。故氏羌等族不能謂爲與藏族毫無關係也。惟此等民族活動之範圍不在西藏，故本節不必述及。當六朝時代有鮮卑人種所建之吐谷渾國出現於青海輸入中國文化，一切制度頗有可觀，西藏當亦間接受我影響，遂促成吐蕃國之建立焉。

第二節 吐蕃之建國

吐蕃爲西藏族所建之國。其王姓勃罕野。其俗呼君主爲「贊普」，不言姓，王族皆曰「論」。官族皆曰「尙」。其民多老壽。衣氈皮以赭壁面，婦人辮髮。其器多屈木而皮底，或以氈爲盤，凝麩爲盃，實羹酪並食之，手捧酒漿以飲。其官之章飾分數等。屋皆平上，高至數丈。其農產物有小麥，青麩麥，蕎麥等。其畜有犁牛，馬，犬，羊，彘，獨峯駝等。其更治無文字，結繩齒木爲約。其別雖小罪必抉目，或刖鼻，以皮爲鞭，抉之。其獄爲窟地深數丈，納囚其中，一二歲乃出。其宴大賓客必驅犛牛使客自射，乃敢饋。其俗重右巫，事抉羝爲大神，喜佛教，習詛說，國之政事必以僧侶參決。多佩弓刀，飲酒不得及亂。

婦人不干政。貴壯賤弱，母拜子，子倨父，出入前少而後老。重兵死，以累世戰沒者爲甲門，販儒者坐垂弧於首以示辱。居父母喪，斷髮黛而墨衣，葬後卽易之。其舉兵以七寸金箭爲契，百里一驛，有急時驛之胸前加銀鷄。其兵法嚴，師行無饋糧，以劫掠所得爲資。其四時以麥熟爲歲首。其戲有棋博。其樂吹螺擊鼓。其君臣自爲友，五六人曰共命，君死皆自殺以殉，所服玩乘馬皆塗。起大屋於冢巔，樹衆木爲祠所。贊普與其臣歲一小盟，用羊犬猴爲牲；三歲一大盟，用人馬牛驢爲牲，夜肴諸壇。以上皆吐蕃之風俗，與今西藏人猶相去不遠也。

吐蕃之建國起於南北朝，唐太宗時，其第七世贊普棄宗弄讚在位，有雄才，篤信佛法。遣人至印度學音韻學，歸製文字，卽今之藏文也。棄宗弄讚尙印度尼泊尔國公主，又求婚於唐，初不許，後興兵來攻，爲侯君集所敗，又求婚，唐太宗乃以其宗女文成公主嫁之，自是吐蕃執禮甚恭。遣人留學中國，學習詩書，於中國之儒教文化及印度之佛教文化同時輸入，而吐蕃始開化矣。

棄宗弄贊殂後，其臣祿東贊秉政，有才略，乘勢擊滅吐谷渾，并吞青海。祿東贊有子四人，皆有才幹。祿東贊死後，其子欽陵等屢窺唐邊，襲據天山南路，後不能拒，與之約和。爾後連年與唐搆兵，唐兵多敗。至武后時，始唐恢復天山南路。後欽陵爲其贊普所殺，其弟贊婆降於唐，吐蕃失良將，勢始少衰。唐中宗時，贊善都督楊矩受吐蕃賂，請以河西九曲地與吐蕃，自是吐蕃又得憑藉以窺伺中國。玄宗時屢寇甘肅新疆邊界，與唐互有勝負。爾後唐有安史之亂，吐蕃乘之，益入寇不已。唐代宗廣德元年，吐蕃率吐谷渾黨項氏羌二十餘萬衆深入爲寇，帝出奔陝州，長安皆陷，賴郭子儀來救始退。德宗貞元六年，吐蕃擊敗回紇兵於天山北路，遂乘勢取唐安西北庭諸地，天山南北路盡入其手，吐蕃之國勢至此極盛。

時唐用李泌之策，與回紇大食南詔結攻守同盟，夾攻吐蕃，用韋皋爲西川節度使，屢挫吐蕃兵，其勢始衰。至唐宣宗時，吐蕃內亂，前所奪河隴、劍南、西山諸地皆復降於唐。此後吐蕃益衰，不與中國相通。至南宋末，蒙古憲宗使其弟呼必賚來攻，遂降於

元自此以後喇嘛教之勢寔盛，吐蕃王室進漸凌夷而無復爲人過問矣。

第三節 喇嘛教勢力盛時代之西藏

初棄宗弄讚娶印度及唐公主，二公主皆篤信佛教，王遂于國中廣建寺院，自印度迎價侶入國都，繙教典爲西藏文，於是佛教始輸入西藏。至唐中宗時其王棄隸踏贊娶唐金城公主，延中天竺僧至其國，使國衆就之受秘咒諸法，遂開後世喇嘛教一派。自是其教日盛，勢凌君主，甚至有弑君者。有宋一代吐蕃國政權已握於喇嘛之手。元世祖時吐蕃僧八思巴者得世祖信仰，封爲國師大寶法王，使居西藏統天下釋教。法王世居後藏札什倫布附近，其後嗣稱薩加胡土克圖。其衣冠皆赤，故世稱紅教。明代欲利用宗教以羈縻西藏，故對之仍加禮遇。其後專恃密呪幻術，盡失佛教本旨，驕奢淫佚，爲社會所厭惡，於是遂有黃教起而改革之。黃教者以黃衣爲標幟，其教祖宗喀巴，明成祖時人，因惡紅教之腐敗，入大雪山苦修行，道旣成爲蕃衆所信服，乃自立一派，排幻術，禁娶妻，尙苦行，其教遂盛行。宗喀巴死時有大弟子二，一曰達賴，一曰班

禪後分主前後藏俱以呼畢爾罕法——卽輪廻——輾轉出生於世，永遠不絕，故後世歷代稱達賴班禪之號不改，以其爲第一世達賴班禪之化身故也。其後喇嘛教勢力傳佈至蒙古等處，又兼政教之權，其勢遂益盛。清代本尊信佛教，益與藏人同調，而喇嘛教又輸入中國北部焉。

第四節 現在之西藏問題

自清高宗收西藏以來，乃取封鎖主義，禁止外人入藏，故西藏有世界秘密國之稱。然英人得印度後，觀西藏之物產豐富，時生覬覦之心，秘密派人入藏探險者甚多，清廷亦不知過問也。一八六七年——清德宗光緒二年——中英訂芝罘條約，始許英人得正式入藏探險，後因承認英并緬甸，乘機復取消之。一八八九年——光緒十五年——英以哲孟雄爲保護國，明年與我國藏訂印條約，中國承認將哲孟雄租借於英，而印藏通商則訂明俟後日再議。一八九三年——光緒十九年——復訂續約，始開亞東爲商埠，而藏人不欲，迄未實行。時俄人亦有意經營西藏以進窺印度，乃籠

絡達賴與之通使。日俄戰時，英人遂乘機入拉薩，達賴奔西甯，班禪與之訂約。將亞東關實行開放外，又開江孜，噶大克爲商埠。償英軍費五十萬鎊。藏人內政不受他國干涉，他國不得派員入境。清政府聞訊大驚，飭駐藏大臣有泰不得簽字，與英交涉廢約之事，時俄德美意諸國亦紛紛提出抗議。英人不得已乃於一九〇五年于北京與中國續訂藏印續約，以英藏所訂條約爲附約，由正約承認之，惟訂明所謂「他國」及「他國人」者中國不在其內。英人允不占藏地，干藏事。約既定，中國代藏付清償款。英乃撤兵。時達賴奔中國後，清政府因其失地喪權乃將其暫行革去名號促其回藏。一九〇九年——清遜帝宣統元年——達賴回藏，怨清甚，嗾藏人舉兵內犯，清廷派兵入藏，達賴奔印度，與英俄兩國結納，清遂革其封號。民國成立後達賴復還，且又嗾藏人內犯，爲四川都督尹昌衡所攻破。英人旋代藏要求自治，乃復達賴封號，改剿爲撫。一九一三年——民國二年——三月我國與英議約于大吉嶺——後移於西摩拉——英認我宗主權，我亦承認外藏有自治權。而所謂內外藏者僅以紅藍線畫於

附圖，外部電令勿簽字，迄今尙爲懸案。前年班禪爲達賴所逐，復逃至中國，將來我政府如何處理，尙未定也。

第十一章 朝鮮日本與中國歷史上之關係

朝鮮日本與近中國，受我國之文化較深，世稱同種同文之國，以今觀之二國種族雖未必與我相同，而文化則甚一致也。

茲述二國受我文化薰陶之次第如次：

- (一) 朝鮮獨立建國時代（自周初至漢初）
- (二) 漢朝對朝鮮經營時代（自漢武帝時至南北朝）
- (三) 隋唐對高麗日本發生交涉時代（隋唐）
- (四) 朝鮮爲中國屬國時代（宋元明清）
- (五) 日本勃興兼并朝鮮時代（清末至現代）

第一節 朝鮮古文明之發生

朝鮮半島爲三韓民族根據地，相傳當中國唐虞時，有神人降於其地而君臨之，號曰檀君，國號朝鮮，定都於平壤，是爲朝鮮開國之始。檀君姓桓名王儉，故其都城亦曰王儉。至中國商高宗武丁時，檀君始仙去，享國一千零四十八年。此等傳說其爲神話自不待言。至見諸史者則當以箕氏爲始。箕氏始祖傳爲相中國商末之箕子，因商亡後避地至朝鮮，遂王其地。此說果信，制諸夏文化於三千年前已輸入朝鮮矣。箕氏傳至戰國時爲燕所敗，喪地二千里。至漢初燕人衛滿亡命至朝鮮，遂襲據其國，於是箕氏亡而衛氏代興焉。

古朝鮮之版圖與今之朝鮮異，其他概指鴨綠江流域而言，西起遼東，包有中國奉天省之東南境，及朝鮮半島的西北境。半島之東部爲東胡族之濊貊所據。半島南部則爲純粹三韓民族所建之辰韓、馬韓、弁韓三國，各統小部落數十餘。以上皆非朝鮮勢力所及焉。

第二節 漢代對朝鮮之經營

衛氏朝鮮建國當紀元前一九四年——漢惠帝元年，時漢初定天下，不欲干涉之，乃與約外臣，不相侵犯。衛滿死後傳至其孫右渠，誘略漢逃人，又阻止蠻夷之欲朝爲中國者，漢武帝乃使涉河往諭之，右渠不奉詔，又攻殺涉河。武帝乃於前一〇九年——元封二年——遣樓船將軍楊僕率海軍從山東渡渤海，左將軍荀彘率陸軍出遼東往攻朝鮮。初漢軍多敗，後圍攻不已，前一〇八年朝鮮人殺其王右渠以降。漢收爲直轄區域，設樂浪，玄菟，臨屯，眞番，四郡已治之，於是半島北部遂歸中國版圖。惟南部則三韓割據如故。至漢昭帝時罷臨屯，眞番二郡，以其地併入樂浪，玄菟，而幅隕之廣仍如故。至東漢時，烏桓，鮮卑，高句麗諸國相繼勃興，屢寇漢東北諸郡，形勢始一變焉。

第三節 唐代對朝鮮之經營

當漢并朝鮮半島北部時，半島南部三韓之辰韓其中分十二部落，有一部落曰

斯盧者，其酋長姓朴名赫居世，號居西干，居西千者韓語王之意也。其後朴昔金三姓互相揖讓，逐漸蠶食隣近部落，遂據有朝鮮半島東南部，改稱新羅。又有高句驪國者本東胡民族，紀元前卅七年——漢元帝建昭二年——據鴨綠江上流建國，其始祖曰鄒牟。鄒牟之子溫祚因得罪南奔，至半島西南部，於紀元前十八年——漢成帝鴻嘉三年——建百濟國，並有馬韓故地，於是朝鮮半島遂成高句驪、新羅、百濟三國對峙之局。後高句驪乘東漢衰亂，向北擴張國境，爲公孫度父子所敗，其勢未能發展。及西晉末，中國大亂，高句驪乃盡并鴨綠江流域，西與慕容氏之前燕接壤，而南凌新羅、百濟二小國。自是以來，歷南北朝時代，三國互相競爭，莫能相下，而高句驪爲最強焉。至隋文帝統一中國，高麗——卽高句驪——侵中國，紀元五九八年——開皇十八年——隋文帝使漢王諒及王世積並爲行軍總管率兵卅萬伐之，未能有功。隋煬帝卽位後，高麗仍不賓服，帝乃自將大兵百一十三萬人號稱二百萬分廿四軍，於六一一年——大業七年——伐高麗，卒未能成功，而天下因以騷亂。越二年，煬帝又徵天

下兵赴涿郡，自將擊高麗，未克而楊玄感起兵作亂，師遂罷。及唐得天下後，高麗大人泉蓋蘇文弑其王建武，立王弟藏，自爲莫離支輔政。屢阻新羅朝唐之路，唐遣使喻之不聽。六四四年，唐太宗貞觀十八年，唐太宗自將伐高麗，仍無功而還。時半島三國中，新羅聯唐，而高麗百濟二國相結，又與日本通使，屢夾攻新羅。六六〇年，唐高宗顯慶五年，唐遣蘇定方率師十萬伐百濟，以救新羅，遂滅百濟，置熊津馬韓、東明、金蓮、德安五都督以統之，其地遂歸於唐。百濟遺臣求救於日本，六六三年，唐高宗龍朔三年，日本遣將上毛野稚子及阿倍比羅夫率兵二萬七千人來援，爲唐將劉仁軌等所敗，百濟終不能復。六六八年，唐高宗總章元年，高麗內亂，唐乘勢遣李勣等伐之，執其王，國遂滅。唐置安東都護府於平壤，統九都督府四十二州，百縣。於是半島大部皆爲唐有，惟新羅獨存。唐武后以後，國家多亂，無暇東顧，新羅遂乘勢蠶食唐之領域，沮江——卽大同江——以南皆爲新羅，所有半島又統一於一國。其沮江以北之高麗故地則爲渤海王國所據，非新羅勢力所及焉。

自三國六國以來朝鮮半島諸國與中國之交涉日繁，中國文化因之輸入，佛教、儒教皆傳布於朝鮮半島，遂爲間接開化日本之機緣焉。

第四節 日本之輸入中國文化

日本建國相傳始於紀元前六六〇年，即中國周惠王十七年，而日本之紀元元年也。其始祖名神武天皇，即今皇室之祖。其國獨處東海島中，與大陸諸國，素無交涉。紀元後二百年——漢獻帝建安五年——有神功皇后者曾出師伐新羅，入其都城，約稱臣納貢而還，是爲日本與亞洲大陸發生關係之始。爾後與朝鮮半島三國之往來日密，紀元二八五年——晉武帝太康六年——百濟王使博士王仁至日本，獻論語十卷，千字文一卷，是爲中國書籍輸入日本朝廷之始。然前此當東漢時日本已與中國有朝貢關係，特非由帝室直接者耳。又當西晉初中國蠶桑已輸入日本，至南北朝時，日本雄略天皇受宋封爲倭王，遣使至南朝求縫工織工，中國工人頗有東渡者，日本社會之開化實由於此。自後朝鮮半島三國對立，爭欲引日本爲援，彼此交通益

繁。佛教亦於此時由百濟輸入日本，漸蒙尊信。及隋煬帝時，中國統一，國勢威赫，日本推古天皇乃於六〇七年——大業三年——遣使臣小野妹子至隋求佛教，書辭用平等體裁，煬帝不悅，然以其遠人優容之，使裴世清往報聘，自後兩國使臣來往不絕。而日本學者僧侶之來中國學儒學及佛法者亦甚多。唐興後日本助百濟攻新羅爲唐所敗，百濟遺民多東渡，日本遂益開化。自是以後歷代對唐派遣使臣，朝貢不絕，名曰遣唐使，本其選者皆一時名人。每屆遣唐使出發皆隨帶多數學生，來唐留學，最多者至五百餘人。其中如吉備直備之創片假名，僧空海之作平假名，尤於日本文字有重大之關係也。至唐朝末年，中國擾亂，遣唐使始罷。宋時中日關係遂絕，惟僧侶商人尙時有往來者。

蒙古興後，東西各國俱爲臣屬，惟日本以孤處海中不肯降服。元世祖屢遣使諭之亦不聽。一二八一年——元世祖至元十八年——遣范文虎等帥師十五萬進攻日本，時日本政權握於北條氏之手，議拒敵，會師元遭颶風，喪失甚多，遂爲日本所

敗。爾後元方經營南洋，遂不復東顧。至明時其國人爲流寇者頻擾中國沿海諸省，明人謂之倭寇，爲患者鉅，又其權臣豐臣秀吉於一五九二年，明神宗萬曆二十年，率兵十三萬大舉攻朝鮮，屢敗明援兵，會秀吉卒，乃還。至明亡後，中國遺民有至日本乞師者，然無成功。有清一代中日之關係遂暫絕。直至清末日本變法後始又與我國發生交涉焉。

第五節 爲中國屬國時代之朝鮮

朝鮮半島自唐武后以後統一於新羅後，歷代新羅君主皆英明有爲，臣事唐朝，提倡儒教，制度文物，卓然可觀，故朝鮮之開化最著，受中國之文化亦最深，凡以此也。至紀元八九〇年左右，眞聖女王在位，內行不修，國政紊亂，盜賊紛起。弓裔據半島北部稱摩震國，甄萱據半島西南都稱後百濟國，與新羅對峙仍爲三國。弓裔部將王建逐裔而自立改號高麗。九三五年——後唐廢帝清泰二年——新羅受後百濟之攻降於後高麗。九三六年後百濟亦爲高麗所滅。於是朝鮮半島又統一於王氏，而號爲

高麗矣。自後高麗屢代爲中國屬國，事奉宋元明三朝，彼此相安。王氏傳國四百四十二年，至明初其君恭愍王被殺，立辛氏子禔爲君。又傳二代十五年至一三九二年。明太宗洪武廿五年，爲其臣李臣桂所篡，又改國號爲朝鮮，於是半島主權又入於李氏。李氏歷代仍遵舊制，服事明清二代，朝貢不絕。直至清末，日本勃興始受其侵略焉。

第六節 日本之兼并琉球朝鮮及台灣

日本自唐末其政柄操於權臣之手，號曰幕府，天皇毫無實權。歷代操政柄者有平氏、源氏、北條氏、足利氏、織田氏、豐臣氏、德川氏等。明末清初德川氏柄政，取鎖國政策，不與外國交通，而尤禁止歐美人。一八五四年，清文宗咸豐四年，美國人以海軍迫日本開埠通商，英俄法等繼之訂種種不平條約。日人始知國家之危險，乃起變法運動以尊王，攘幕，廢藩討夷爲口號。明治天皇立後，改國會，布憲法，國勢漸固，遂謀發展。一八七一年，清穆宗同治十年，與我國訂約通商。次年因台灣

生番殺琉球國商人，琉球爲東海中小國，自唐以來久受中國冊封，至是日本以保護琉球爲名，派兵入台灣，我國抗議，乃結約退兵，而琉球於一八七九年——清德宗光緒五年——卒爲日本所滅，改爲沖繩縣。繼又與朝鮮結約，援助其獨立。時朝鮮分事大獨立二黨，互相攻擊。一八九四年——光緒廿年——朝鮮有東學黨之亂，中日俱派兵平之，亂平而日軍不退，乘中國不備襲擊我軍，中日戰事遂開。結果我海陸兩軍皆大敗，遂亂馬關條約，初以遼東半島及台灣均割讓於日，本以俄德法三國干涉乃退還遼東，惟割台灣，賠軍費二百兆兩，開沙市、重慶、蘇州、杭州、長沙爲通商港，朝鮮爲獨立國。台灣本海外孤島，明中葉爲荷蘭人所據，明末鄭成功逐荷蘭人而據之立國，閩粵人多移居者。清滅鄭氏後收歸中國版圖。一八八六年——光緒十二年——改爲行省，方謀經營，至是遂失於日矣。一八九七年朝鮮王稱大韓皇帝，自爲獨立國，其實全受日本之支配，而俄國亦乘勢與朝鮮政府訂約，獲得種種權利。一九〇五年日本反戰勝俄國，獲得南滿洲各種利益，于是在朝鮮之主權遂確定。一九一〇年因

日本在中國之統監伊藤博文爲韓國志士安重根所刺，遂合並朝鮮。自此以後，日本利用朝鮮爲經營東亞大陸之根據地，而我國之禍乃益迫眉睫矣。

第十二章 中國民族在後印度半島及南洋羣島之發展

後印度半島卽今安南暹羅緬甸諸國以及南洋羣島之英領荷領諸地，距中國甚近，地產肥沃，故我國人之殖民於是者甚多。茲述其開拓之跡如次。

(一) 爲我屬國時代（自宋以前）

(二) 我國殖民發展時代（元明清）

(三) 西方東漸及我國殖民失敗時代（明末至今日）

第一節 歷史上後印度半島與中國之關係

後印度半島與南洋羣島本均爲馬來種人之根據地，其與我國上古最佔勢力之苗族有無血統之關係已難斷定。其與中國發生關係最早者爲安南，相傳周成王

時有越裳氏來朝，卽今之安南民族，然其事之確否，尙未可斷言。其與中國民族真正發生關係當在漢以後。漢初趙佗據廣東稱南越王，其轄地直至安南北部。漢武帝滅南越後設九郡，其交趾，九真，日南三郡卽在安南境。然除安南外，其餘諸國固猶在野蠻部落時代，未成國家也。東漢末年安南中部有林邑國建立，至唐時改爲占城，是爲今安南國之前身。又安南南部東埔寨之地，舊爲真臘國，暹羅舊爲扶南國，緬甸舊爲揮國，至唐改爲驃國。此諸國皆建立於漢末，至東晉時而大開化，蓋其時北有中國，西有印度，摩揭陀帝國，後印度半島處於兩大文明古國之間，自易於開化也。佛教亦於晉時輸入，至今爲該地最佔勢力之宗教。安南北部自漢以來列爲中國州郡，歷兩晉南北朝及隋相沿不改。唐設初安南部護府以治之，仍爲中國直轄區域也。唐末南詔強盛，攻陷安南，於是其他始漸脫中國羈絆。五代時丁部領據其地獨立，宋初入貢中國，受封封爲交趾郡王，自是安南始列爲外藩不入中國版圖矣。宋神宗時其國王李氏自稱皇帝改國號曰大越。南宋末又禪位於陳氏改國號爲安南。歷宋元明三代皆

貢不絕。明成祖時陳氏爲其臣黎氏所篡，明遣兵討平之，置交趾布政司轄其地，轄府十七直隸州五衛十二，於是安南北部又入中國領土內。然安南人不屈，屢起作亂。至宣宗時其國人黎利遂建大越國，而又脫明羈絆矣。當時是後印度半島共有四國，安南北部爲大越國，安南南部爲占城國，緬甸自宋以後即稱緬國，元時雖列爲土司，至明嘉靖時又獨立爲緬甸國，暹羅則自宋以來本分暹與羅斛兩國，元末合爲一國，遂稱暹羅。占城至明中葉爲安南所滅，然未幾又分二國，北爲大越，南爲廣南。清初大越受清封爲安南國王。至清高宗時廣南土豪阮文惠起兵滅廣南，又北滅大越，遂統一安南，造成近代後印度半島三國並立之形勢。

第二節 中國民族在南洋之發展

南洋一帶島嶼林立，物產豐富，然土人性蠢愚，不善經營，每爲他族所侵略。自晉以前，與我國關係甚少。南北朝時其地漸爲開化，有國家制度。中國與印度二大文明國間宗教及商業之交通，每假道於此。此諸國對於中國及印度亦多時來貢獻，至唐

代大食國興，回教亦隨之輸入。元明有馬八倪俱藍，瓜哇諸國俱服從於元。元兵嘗一征爪哇，故南洋諸國之畏服中國實在此時而中國人南洋殖民之端緒亦當開化於此時也。至明成祖時命宦官鄭和帥大船六十二艘，海軍三萬七千餘人，遠征南洋，前後七次歷南洋諸島直達非洲東岸，所至宣布中國威信，有不服者輒擒其王入其國，故諸番懾服，而中國之威名乃大布於南洋。自是以後，中國東南濱海諸省如廣東、福建等地人民紛紛聞風而起，作殖民南洋之舉。至今南洋羣島一切經營設施俱賴我華僑之力，以貧寒起家爲富豪者尤不可勝計。蓋歐人雖智而人數過少，土人雖多而不知生計，故惟有讓我華僑著先鞭也。

第三節 西力之東侵

近代西人之東方經營始於明中葉。一四九八年葡萄牙人 華士哥德噶馬 (Vasco da Gama) 發現南非洲航路於是葡人首先經營印度，英荷、班法諸國繼之。一五二一年葡人佔領馬刺加 (Malacca) 是爲西人伸勢力於南洋之始，至十七世紀初

荷蘭人強盛，盡奪葡領蘇門答臘、爪哇、摩鹿加羣島諸地。一六一九年建巴達維亞府于瓜哇，以爲諸貿易地之中心。同時英人亦設東印度公司於印度，與荷葡法諸國競爭印度霸權。至十八世紀中葉，卒排諸國勢力而獨吞印度。遂自印度而東，窺緬甸。一八二四年——清宣宗道光四年——英人與緬甸開戰，得亞山阿羅漢之地。一八五三年——清文宗咸豐十年——又割其白古地。緬甸大部俱入於英。一八八六年——清德宗光緒十一年——乘中法越南戰事之際，遂進兵緬甸，滅其國，夷爲印度屬地。我國雖提出抗議，僅得英人許代入貢之約。其後滇緬界務之分劃，尙成爲懸案，歷久始解決焉。

緬甸既入於英，而安南亦爲法有。初阮文惠統一安南後，稱爲新阮。其廣南舊王裔有阮福映者，不服避居暹羅，爲舊阮。一八〇二年阮福映得法國人之助，復國。法人遂乘勢要求種種權利。一八五九年法人因安南不能踐約，派軍艦佔領西貢，於是安南南部漸入法國勢力範圍。一八七三年法人派兵擾亂安南中部，爲中安人太平軍

餘黨劉永福之黑旗軍所破，乃於翌年三月與安南訂約，承認安南爲獨立國，嗾其脫我國之羈絆。一八八二年法人與安南訂約，以東京割讓於法國，收安南爲法之保護國。中國政府反對之，遂開戰爭。中國軍屢佔勝，然以政府嘗於外交，結果以一八八五年締約於天津，仍承認法佔東京，及安南爲與法之保護國焉。

後印度半島三國中，緬甸併于英，安南屬於法，惟暹羅稍能自強。又因英法兩國之互相牽制，故外力不至侵入。一八九三年英法結協約，許暹羅爲獨立國。暹羅王亦銳意變法圖自強，故至今爲獨立國焉。

英人自十八世紀末年始伸勢力於南洋羣島，爾後漸略有馬來半島及婆羅洲等地。一八一九年略得新嘉坡地于土人之手，極意經營，遂成爲今日南洋之大商埠。一八四二年——道光廿二年——鴉片戰爭後，又割我香港，至今日遂成爲英人東方海上勢力之大根據地，故南洋今日之霸權實操於英人也。

今日後印度半島及南洋羣島仍以我華僑爲主要之分子，惟主權操於異族之

手吾僑民到處受人壓制，尙難自主耳。

第十三章 歷史上之中國與西亞文明之交換

我國爲大陸國，對於海上交通發展較遲，而陸路則甚早，古籍所載，如黃帝適崑崙，穆王見西王母等說，雖荒渺無稽，然足證吾先民對於西方觀念之注意矣。中世以後，印度文明輸入，對於吾國民之精神生活影響尤大，故治中國民族史者，對於此種史蹟，不可不加以注意也。今約中國歷史上與西亞交通之跡分爲數期如左。

- (一) 中西交通傳疑時代（秦以前）
- (二) 漢朝交通西域時代（兩漢）
- (三) 中印文化接觸時代（六朝至唐初）
- (四) 唐朝經營西方及阿剌伯文化輸入中國時代（唐）
- (五) 蒙古人遠征西方時代（南宋末至明初）

(六)近代中國與西亞之關係（清至今日）

第一節 上古時傳疑之中西交通

中國與西亞之交通由來已久。近世以來，學者有主張中國民族係從亞洲西部遷來者，法人與帕爾（Oppert）及拉克伯里（Lacouperie）謂吾族來自巴比崙，衛格爾（Wiegner）謂來自印度支那半島，包爾（Ball）及彭伯賴（Pumpelly）謂來自中央亞細亞，德人利希陀芬（Riechhofen）謂來自於闐。其說雖不必遽可信然可以證上古時代中國與西亞非毫無關係也。

自黃帝以後，關於中西交通之事蹟，又不見於紀載。惟西晉初年發現之穆天子傳一書，內載周穆王西游適西王母國之事，竹書紀年及列子亦有同樣之記載，然此三書皆漢末晉初人僞作，未可置信。近人之篤信此說者，如丁謙顧實等且爲攷證地理，詳覆年月，或謂西王母國在波斯，或謂在小亞細亞，儼若真有其事者，以愚觀之，穆王周游天下之事見於史記左傳，容或有之，然不過遊行當時之中國境內而已，其西

行亦決不能過嘉峪關以西，所請西王母國云云，皆小說家言，如山海經，漢武內傳之屬者，據此以爲信史則誣矣。即使當時果有此事，亦必待考古學發達之後確從實在古蹟上尋出證據，始能斷言，小說之屬固不可以當歷史看也。

第二節 漢朝對於亞洲西部之經營

亞洲西部，上古有巴比崙，亞述，呂底亞等國，波斯興而皆統一于波斯。紀元前三〇年馬其頓王亞歷山大滅波斯，乘勢征服埃及及印度及中央亞細亞等地，建設地跨歐亞非三洲之馬其頓大帝國。其時亞歷山大且欲提軍東上征服歐人所向未夢見之地，以水草缺乏，士卒勞頓而止，時正我國戰國中年時也。亞歷山大死後，國爲諸將所分，塞留哥 (Selucus) 據亞洲西部，叙里亞 (Syria) 王國，傳國百餘年，至前一二五〇年頃，東西分裂，東部有大夏 (Bactria) 王國，西部有安息 (Arshaks) 王國出現。又有大月氏者，原建國于內蒙古西部，後爲匈奴所逼，舉國徙西，遂滅大夏而居其地，然其文明仍希臘之文明也。漢初匈奴盛強，此等諸國皆懾服匈奴之威，旺不

敢與之爲敵。及漢武帝欲通西域，以其擊匈奴，乃使張騫出使西方，歷訪大月氏安息諸國，自此以後，中西交通遂開。希臘文化、印度文化相繼輸入中國，其詳見前第八章。茲不備述。自宣帝以後，漢之西域都護威聲遠振於西亞云。

第三節 佛教之輸入

印度爲世界文明古國之一，紀元前一千五百年頃，阿利安人自中亞侵入，征服土著民族，建設無數之小國。其最古之宗教爲婆羅門教，信梵天，唱階級之說。至紀元前五百年頃，有釋迦牟尼者出現，由王太子出家悟道，自創一派，提倡平等博愛，力與舊教爲抗，是爲佛教。印度自紀元前五〇年頃，爲波斯所征服，後又歸併於馬其頓。前三二一年，印度土人旃陀羅笈多創孔雀王朝，是爲印度有史以來之大帝國。傳三世，而其孫阿輸加在位，極力提倡佛教，於是佛教遂成爲印度之國教。孔雀王朝亡後，佛教勢力又衰，教徒多散之北方。適大月氏建國於興都庫士山南北，據有北印度之地，極力提倡佛教，於是大月氏遂代印度而爲佛教傳佈之中心。紀元前二年——漢

哀帝元壽元年——大月氏遣使來聘，博士弟子秦景憲口受其浮屠經，是爲佛教入中國之始。紀元後六十五年，漢明帝遣鄧中月氏等使印度，至月氏得經四十二章，載以白馬，并沙門迦葉摩騰、竺法蘭二人還洛陽，佛教遂正式爲中國所崇拜。自此以後，因五胡亂華之結果，西北異族侵入，而佛教之信仰愈甚。六朝時代，西域交通甚繁，於是中國僧人西渡求法，與西方僧東來傳教者皆甚多，法顯、宋雲、玄奘等之西去，鳩摩羅什、菩提達摩等之東來，其最著者也。因佛教之傳佈西印度及中亞文化相繼輸入，中國之音樂戲劇、文學以及一切社會制度均受重大之影響焉。

第四節 唐代對於西域之經營

亞洲西部自二二六年波斯興後，滅舊有之安息王國，建設亞洲西部唯一之大國，至紀元五世西後，大月氏亦衰，其屬部嚙噠獨立，佔據北西度，號爲強國。突厥興後，紀噠爲突厥所并，中亞之地皆屬於突厥。唐室勃興後，國威強盛，經營西方，不遺餘力。紀元六五七年唐高宗遣蘇定方等擊滅西突厥，并有其地，置崑陵、濛池二都護府以

領之。又相繼征吐火羅——今布哈爾——昭武九姓——今俄領費爾干省——諸國。置月氏，康居等都督府以領之。於是唐之國威遠及中亞。時波斯自嚙唎突厥相繼勃興後，其國勢已衰，至紀元六二二年阿剌伯人穆罕默德創回教於阿剌伯，遂建設大食帝國，西征歐洲，南侵非洲，復移兵東下。波斯爲其所逼，國勢益危。紀元六六一年，其王卑路斯（Peros）請降于唐，高宗許之，置波斯都督府，拜其王爲都督，遣兵援之，未至而波斯已爲大食所滅。於是唐與大食兩大帝國遂接壤。唐睿宗時其勇將庫退拔（Kartanah）乘唐室內亂舉兵東侵，以乏水草而還，然中亞諸國，昭武九姓之屬已皆折入於大食矣。

印度北部自漢以來即屬於大月氏，月氏亡後又屬於嚙唎。印元五百二十年左右，北印度之烏闐衍那國勃興，其王毗訖羅摩迭多出，逐嚙唎於境外，建設大國，提倡文化，尊崇佛教，國勢甚盛。至其孫尸羅逸多二世立，國益強。自六朝以後中印因佛教關係交通甚繁，至是高僧玄奘自唐至印度求法，甚蒙王優待。紀元六二八年王遣使

北來聘於唐，太宗使梁懷璣往報聘，是爲中印正式國際交通之始。六四五年太宗又遣右衛率府長史王玄策使其國，適值王薨國亂，玄策檄召吐蕃及波婆羅兵爲之平定亂事，我國之耀兵於印度，歷史上唯此一次而已。

自大食強盛後，回教輸入中亞，間接輸入中國，海陸貿易亦極發達。唐末寄居廣州之阿刺伯人至十二萬之多，可見當時兩國交通之盛矣。至唐末中國內亂，大食亦中衰，兩國交通始斷絕云。

第五節 元代之西征

宋初統一中國，取保守主義，對於西亞不暇經營。至紀元一二二五年左右，遼爲金所滅，其宗室耶律大石率兵西下，至中亞，建西遼帝國，是爲東北民族建國於西方之始，及蒙古勃興，既統一內外蒙古及陰山南麓，乃刻意經營西亞。前後西征凡數次。第一次太祖遣將蘇布特，哲伯西征，滅乃蠻——據西遼故地——莊刺子模——今阿母西爾兩河流域——及裏海黑海間諸小國，大破俄羅斯諸侯聯軍，以其地封長

子卓齊特時在一二一八年至一二二四年。第二次在太宗時，遣綽馬兒罕西征，殺花刺子模最後之王札蘭丁，乘勢平定四圍小國，中亞形勢乃大定，時至一二三一年。第三次亦在太宗時，命巴圖等西征進平俄羅斯諸侯之反復者，殺俄共主攸利二世，大破波蘭及匈牙利軍，將進攻中歐，聞太宗卒而還，時在一二三五年至一二四二年。第四次在憲宗時，命轄魯征亞洲西南部諸國，滅木刺夷——今波斯西部——大食東帝國，及紋里亞諸國，時在一二五二年至一二五九年。自此以後以西亞東歐之地分建四大汗國，受蒙古人之支配者始百年，然於文化史上之關係則甚淺焉。

第五節 近代我國對西亞之關係

自元朝滅亡後，明室勃興，取保守主義，對於西亞不遑經營。惟明成祖時帖木兒汗曾有東征之意，行至中途而崩，此後垂數百年。東西交通遂漸中止。清高宗滅準回諸部後，蔥嶺以西諸國如吉爾吉思部落、巴達克山、敖罕、阿富汗諸國皆遣使入貢，然亦第羈縻而已，不能征有之也。自十八世紀俄人吞并中亞，英人亦滅印度，我國西陲

尙虞窺伺，更無餘力遠營域外。最近俄人以共產主義煽惑滿洲小國，並及我蒙古，新疆，尤爲前途之大患焉。

第十四章 白人之東漸與中華民族之危機

世界人種或曰五種，或曰三種，而要以黃白兩種爲最要。亞洲中部之鹹海流域實爲黃白兩種之分界線。自此往西，白色之民族數十，以歐洲亞利安民族爲最重要；自此往東，黃色之民族亦十數，以中華民族爲最重要。此二大民族者，自昔關係甚少也。直至近世，歐洲亞利安人奮其智力，鞭撻宇宙，儼然以世界之主人翁自居，而我中華民族亦幾有爲其組上肉之勢，此誠人類史上極重大之事實也。茲述白種人經營東方之次第如下：

(一) 中西非正式交通時代 (明以前)

(二) 歐人東來時代 (明末清初)

(三) 壓迫中國開始時代 (鴉片戰役至中法戰爭)

(四) 中華民族覺醒時代 (戊戌變政至今日)

爲敘述便利起見，除上古期按時代次序順敘外，近代諸國之活動俱分國敘述之，以期格外明瞭。

第一節 明以前我國與歐人之交通

我國與歐美距離窳遠，素無交通之機會。近人雖有附會謂周穆王西征曾至歐洲者，其說殆不可信也。漢武帝通西域，始知大秦國之名，大秦卽羅馬也。東漢初班超爲西域都護，使甘英通大秦，至西海——當卽裏海——爲安息人所給，未至而返。至紀元一六六年——漢桓帝延熹九年，——大秦王安敦遣使自安南來貢珍物，中西之正式交通當自此始。然其時安息人操東西洋貿易之特權，中國與歐洲商業上往來已久，中國絲織品流入歐洲，甚爲羅馬人所愛重，特非兩國之直接貿易耳。

自後經三國六朝，兩方交通又暫中絕，中史雖有大秦、拂菻等名，然語焉不詳惟

北匈奴自經爲漢驅逐後，展轉入歐，至是遂爲亡羅馬之動因。唐初國威遠及西亞，然與歐人獨無關係，蓋其時阻於回教之大食帝國，無直接交通之機會也。

元代耀兵歐亞，東西之交通乃復開。太祖太宗數次西征，并吞俄羅斯，建設奇卜察克汗國，征波蘭，下匈加利，破德意志諸侯聯軍，前鋒直抵意大利，歐人震駭至欲起十字軍以抗之，雖因故未能盡並全歐，然黃禍之名詞遂長留於歐人腦中。奇卜察克汗國統領歐俄二百餘年，尤爲黃人建國於歐洲之最要者。而其時威尼斯人尼弟羅博羅 (Nicolo Polo)，父子來遊中國，其中馬哥博羅 (Marco Polo) 留仕元朝，凡二十餘年，甚爲世祖所信任，歸歐後撰旅行記，實爲歐人東來之誘導物。其時羅馬教皇與元廷亦常有信使往來，歐洲之數學，論理學，皆逐漸流入中國云。

第二節 歐人之東漸

自馬哥博羅東遊歸後，歐人豔聞東方之繁富，甚欲設法交通，而以阻於土耳其回教徒之故，其志終不能達。一四九八年——明憲宗弘治十一年——葡萄牙人華

士哥德噶馬 (Vasco daGama) 發現南非洲之航路直達東印度，於是歐亞交通始開一新幕。葡人首先東來，略得臥亞馬刺加諸地，經營印度及南洋羣島。其商民逐漸來往中國，居廣東之上川電白澳門諸地，爲歐人來華之先導國。一五三五年——明世宗嘉靖十四年——租我澳門，至明末遂成爲葡人永久之根據地。其時西班牙人亦佔據菲利濱，與葡人並稱十六世紀海上之兩強國。十八世紀初，葡、牙、英、法諸國與葡領南洋羣島盡爲荷人所奪。荷人又佔據台灣島，爲對華貿易之領袖。英法諸國亦相繼聞風競起，惟尙不敵荷人之勢力焉。

歐人東漸，適丁歐洲宗教改革之後，有志宗教事業者，皆遠渡重洋，辛苦傳教，其中以舊教之耶蘇會派爲最有成效。一五八〇年——明神宗萬曆八年——意大利人利瑪竇 (Matthias Ricci) 至中國，歷遊南京、北京，所至與其士大夫交，凡居中國三十年，於基督教之傳佈於中國最有關係。其後有龐迪我、陽瑪諾、湯若望、南懷仁等歷事明清兩朝，頗得朝廷及士大夫信任。其時中國歷法頗不進步，經西教士等改良，遂

較適用。此外天文、數學、幾何、地理等學，均由此等教士之手輸入中國。中國有力者如明末之徐光啓、李之藻、清之聖祖，皆傾心信服之。光啓之譯幾何原本，尤爲中國學術史上放一異彩。至清世宗以後，因持閉關主義，盡驅西人出境，傳教事業始暫中止，至鴉片戰後始復通云。

第三節 英吉利與我國

現今歐美列強與我國關係最深者爲英吉利，經濟侵略最劇烈者亦爲英吉利。英人自十七世紀初即開始經營東方，先藉東英度公司之力收印度爲己國領土，次伸勢力於南洋一帶，逐漸奪取馬來半島等地。一六二七年英人威代爾 (W. Coddell) 率艦陷我廣東廈門礮台，強迫通商，是爲中英通商之始。自後歷明末至清初，兩國通商貿易，往來無間。清世宗以後，清廷取閉關主義，意欲斷絕外人貿易，於是英人亦受排斥，兩國貿易僅限於廣東一隅而已。一七〇〇年——清高宗乾隆四十九年——英政府遣使臣馬爾憂尼 (Macartney) 來謁，要求改良通商事務，時清廷正在全盛

之際，僅以入貢使臣待之，所有請求概予駁斥，英人亦不敢深肆要求。

自後英人以印度爲根據地，向我國輸入鴉片毒物，獲利甚多，兩廣總督林則徐力禁之，焚燬英商鴉片二萬餘箱，遂釀成一八四〇年中英鴉片戰役，結果我國失敗，訂南京條約，開五口通商，割讓香港於英，我國之受外人政治及經濟之侵略蓋自此役始也。

至一八五六年復因廣東官吏搜捕英船之關係，英法二國聯兵攻破廣州，又聯兵北進，攻陷天津，次年又攻破北京，清文宗出奔熱河，結果訂天津條約，續開商港五處，英人在中國之勢力遂牢固而不可拔矣。

自是以後英人侵略中國之機愈急，一八〇〇年乘中法越南之戰，收緬甸爲己有，一面遣人入藏，蠱惑達賴喇嘛使叛中國。一八九〇年藉口於均勢主義租借我威海衛，九龍等港，以發展其侵略之勢力。民國初年，六國銀行團之組織，實操我財政命脈，至今日國內輪船鐵路銀行鑛業各種經濟事業無不與英人發生關係。馴致於民

國十四年五月卅日而有慘殺華人之事，則其兇殘之野心已暴露無餘矣。

第四節 俄羅斯與我國

俄羅斯與我國發生交涉甚早，且其接觸均在陸地，如其與他國不同之處。當十六世紀末，俄人即逐漸東下，略取中亞及西伯利亞等地，至十七世紀，其勢力遂達黑龍江左右。一六五一年——清聖祖順治八年——俄人築阿爾巴青城（Albazin）於雅克薩河口，嗣後連年剽掠北滿，遂與清朝發生衝突。一六八九年——清聖祖康熙二十八年——兩國訂尼布楚條約，一七二七年——清世宗雍正五年——復訂恰克圖條約，彼此和好百餘年。及鴉片戰爭後，俄人覩中國政府易欺，乃生覬覦之心。一八五八年——清文宗咸豐八年——一八六〇年——咸豐十年——兩次中俄條約，藉口於調停英法聯軍戰事，將我黑龍江以北，烏蘇里江以東之地全行割去，從此遂極力經營太平洋沿岸，爲遠東活動之根據地。一八七一年——清穆宗同治十年——又乘我回部之亂進佔我伊犁。幾經交涉至一八八一年——清德宗光緒七

年——始結伊犁條約返我土地。中日戰後李鴻章欲聯俄以排日，乃與俄訂喀西尼條約，許俄築鐵路於我境土及其他利權。其後及租借旅順大連二港於俄。遂引起日俄兩強國在東省之競爭。日俄戰後，俄人將南滿利權盡行失去，然北滿利權仍如故也。民國成立後，俄人更暗助外蒙向我宣告獨立。一九一七年——民國六年——俄共產黨革命後，曾宣言放棄以前權利，未幾又背之。一九二〇年——民國九年——俄舊黨進兵陷我外蒙，未幾爲新黨討平，新黨遂助外蒙組織國民政府，而從中操縱之。一九二四年——民國十三年——與我國締結中俄協定，仍保留大部分權制。又利用中國共產黨使加入國民黨，以金錢收買青年，至國民黨北伐進展，共黨在兩湖遂乘機把持一切，幸國民黨覺悟尙早，勵行清黨，又於十六年十二月對俄絕交，俄人氣噤一時少戢。然共黨潛勢力尙大，兩湖及冀東慘殺焚燒之事日有所聞，非國民自已而辦團自衛始無法以制止其活動也。

第五節 法蘭西與我國

法之經營遠東甚早，而與我國發生交涉則甚遲。自十九世紀初年法人助阮福映恢復安南後，遂乘機樹立其侵略遠東之基礎。一八五八年藉口於廣東人之焚燒法商館，遂與英共起聯軍，於一八六〇年入我北京，大掠而歸。一八八四年因倭使安南獨立與我開戰，結果我軍事勝而外交失敗，遂將安南讓於法國。一八九七年——清德宗光緒二十三年——乘列強爭侵我土地之際，亦進兵強租我廣州灣。爾後築修滇越鐵路，在滇桂諸省勢力頗深。民國以後，以兩國國體相同，往法留學者甚多，對於國內文化運動頗有影響，然近數年來，國內軍閥私戰，法人之供給軍火最多。是法人之對於中國雖無侵略之力，亦不能謂其無侵略之心也。

第六節 德意志與我國

德之興也較晚，其伸手於東洋也亦較遲。然一八九七年乘我與日戰敗後，因山東殺害二德教士問題，突然進兵據我膠州灣，強迫租借以九十九年為期，列強聞之，紛紛援例租借，幾釀瓜分之禍，其首倡之者實德人也。一九〇〇年又勝拳匪之亂，首

率聯隊進據北京。自後修築膠濟鐵路，囊括山東之利權。蓋歐戰以前，與俄國並爲侵略我國之最强悍者焉。歐戰中膠州灣爲日本所奪，東方勢力完全失墜，戰後國勢凌夷，自保不暇，其在我交所享種種特權，因得乘機收回焉。

第七節 美利堅與我國

美之經營東亞，自一九八年戰敗西班牙奪取菲利濱羣島始，其初雖偶有使節往來，然無實際之勢力也。自此戰後，美人始有經營遠東之根據地。一九〇〇年聯軍入京，美軍亦與焉。約定後，中國賠款甚鉅，美人獨退還賠款，興辦學校，以市惠于中國。自後中國留美學生日多，中美之國交日密，而美人文化政策乃大告成功。自巴拿馬運河開後，美人在東方軍事勢力益加穩固。與日本衝突最甚，故識者皆憂日美戰爭之萬不能免。然美人人種之見實最深，其本國民衆對於黃人排斥不遺餘力。未來太平洋之大問題，美人實佔最重要之地位，如後中國對於日美競爭究應如何態度，實與對付蘇俄之問題同一重要也。



武缘黄氏家藏

辨

民國二十九年九月十日出版
民國二十四年十月十日再版

中華民族小史

全一冊定價大洋一元

著者 常 乃 憲

發行者 啓智書局
上海法大馬路自來火街西高第里一號

印刷者 啓智印務公司
上海法租界西門路潤安里十九號

代售處 全國各大書局



6
902214

4

